

SPECIMEN

DE

GEMMARVM

ORIGINE & VIRTVTIBVS.

IN QVO

Proponuntur & historicè illustrantur quædam Conjecturæ circa
consistentiam materiæ *Lapidum Pretiosorum*, & subjecta, in
quibus eorum præcipuæ virtutes consistunt.

Ab Honoratissimo

ROBERTO BOYLE

NOBILI ANGLO, è SOCIETATE REGIA.



GENEVÆ,

Apud SAMVELEM DE TOVRNES,

M. DC. LXXX.





PRÆFATIO.



VANIMI omnium consensu comprobatum est, rari-
 tatem, nitorem & ingentem valorem gemmas, eò fa-
 stigii erexisse, ut ab omni ævo cum elegantissimis, se-
 lectissimisque naturæ productionibus comparari di-
 gnæ visæ sint. Sed utrum libri de iis in vulgus sparsi
 nobilitati objecti sint analogi, non æquè extra omnem
 controversiæ aleam mihi positum videtur. Quod enim
 attinet ad Gemmarum Originem, cum Aristotele circa finem tertii li-
 bri Meteor. dicere, siccam exhalationem (*ἔνθα δὲ ἀναδύμιαται*) ignitam
 vel inflammantem (*ἐκκρυψύσται*) inter alia fossilia producere diversa gene-
 ra lapidum, qui fundi nequeant: aut secundum receptiorem sententiam
 sustinere, gemmas esse confectas ex terra & aqua subtiliter incorporatis,
 & frigore duratis: ista, inquam, nos detinent, in universalibus nimium
 remotis ac indefinitis, & explicationem stabiliunt principiis partim
 precariis, partim infirmis, forsitan etiam falsis. Historia verò gemmarum
 adeò fabulis est distincta, ut multi, in primis recentiores, Philosophiæ &
 Physiçæ periti, propter tantas improbables & nonnunquam impossibi-
 les virtutes gemmis vulgè adscribas, non dubitarint asserere, nullis pe-
 nitus illas præditas esse virtutibus. Me equidem haud tanto rigore abre-
 ptum, famæ celebritas, quæ inter eruditos gaudet industrii Imperatoris
 Rudolphi Medicus Boëtius de Boot, compulit distinguere, ipsum æ
 duos, tresve alios autores recentiores, qui in libris alterius potissimum
 materiæ, in discursum de gemmis quibusdam obiter occasione data di-
 grediuntur, à palam fabulosis illis Scriptoribus Mizaldo, Alberto Magno,
 (nisi forte hujus nomen imputatione libri spurii injuria afficitur,) Bapti-
 sta Porta, Kirannide, (aliorum nonnullorum nomina prætereo,) quorum
 cruditio spem præbuerat melioris cautionis ac judicii. Verùm quan-
 tum

quam ob rationes alibi memoratas, non sine exceptione arbitror, lapides pretiosos, præcipuè opacos, destitui omni prorsus medicinali virtute, tamen cum perpendifsem, quam difficile esset assignare aliquam rem possibilem & intelligibilem (quam neutiquam arbitror esse formam substantialem,) unde virtutes illorum derivari esset verisimile, sine exhibitione relationis de Origine Gemmarum, qualis non erat expectanda à sectatoribus Peripateticæ, id est, receptæ Philosophiæ; non poteram non optare, ut aliquid eâ de re ederetur secundùm principia Corpusculariorum.

Ista me permoverunt, quo minus tergiversarer in explendo curioso desiderio familiarium meorum, qui sequentem extorserunt discursum, in quo contentus eram experiendo, quid, sine expugnatione authorum, quorum institutum fuit scribere de Gemmis, consideratio materię ventilandæ, innata mihi ad observandas naturæ productiones animi propensio, & tentamina, in quæ me deducebant considerationes & observationes, calamo meo suggererent.

Vtrum conjecturas meas & ratiocinia alii æquè nova sint æstimaturi, ac illi, quorum causa potissimùm scripsi, non est meum definire: Proposui saltem discursum meum accommodare phænomenis naturæ, minimè sollicitus cui vel displicerem, vel placerem. Quamvis itaque contingeret, quasdam conjecturas meas, me incito, concurrere cum opinione classici alicujus scriptoris de Gemmis; tamen arbitror totam subsequenter hypothesein, & argumenta, quibus nititur, visum iri fuisse suggesta per naturam rei ipsius, meumque eam considerandi modum: ut taceam, quandoque occurrere in Authore quodam egregiam specialem conjecturam, cujus momentum ipse haud intelligit, nec novit ejus usum, sed eam extruit ex ejusmodi fabulosa relatione, vel erroneo principio, quæ cautis lectoribus fidem suspectam faciant, nisi illis fuerit commendata per convenientiam cum opinionibus, quas jam melioribus fundamentis stabilivere. Mirum forsan videatur, me adedè parçè allegasse authores, qui totos de gemmis exararunt libros; sciant autem me nec illos, nec meas quidem chartas de origine mineralium præsentis habuisse, cum sequens specimen componerem. Quod duplici de ratione æquo animo ferebam: primò enim memineram, varia loca, quæ offenderam de virtutibus gemmarum, allegata ex diversis illis

P R Æ F A T I O.

illis authoribus, ita esse constituta, ut eis assensum haud faciliè præbuerim, nonnulla cognoverim esse falsa; aliorum veritas mihi plurimum fuerit suspecta; alia omninò incredibilia visa. Altera ratio erat, quia judicabam me omissione eorum, quæ Familiæ meos credibile erat jam legisse in authoribus, magis satisfactorum & illorum desideriis, qui speciatim meas perspicere cupiebant ea de re meditationes, & meo instituto, eique duplici, partim enim experiri volui, quousque meditationes meas demonstrare valerem propriis argumentis & observationibus, adjectis nonnullis paucissimis locis historicis, quæ in scriptoribus non classicis offendi; partim occasione illâ arrepta prosequi diversas res facti pertinentes ad eam, quam tractabam, quas aliàs verisimile est interituras fuisse. Neque verò dubitabam, quin, si primum hoc specimen mearum meditationum à familiaribus meis locupletatione dignum fuerit æstimatum, facili negotio Tractatum hunc flosculis variarum historiarum, ex famosis scriptoribus excerptis, ditare ac condecorare valerem, ubi libros meos, chartasque præ manibus habere daretur; si id necessarium fuerit judicatum ab iis, qui mihi forsitan minus diffiderent, quàm ipsis. Vt paucis dicam, proposui hunc discursum duntaxat ceu conjecturalem hypothesin, in quo conatus sum derivare Originem Gemmarum, & unam præcipuarum causarum (non dico causam unicam) qualitarum, virtutumque illarum, ex principiis propioribus, & intellectu facillioribus principiis Peripateticorum; & propositis diversis observationibus & experimentis propriis circa phænomena gemmarum, explicare illorum nonnulla ope principiorum intelligibilium, aliaque illustrare comparatione, cum rebus, quæ vel reipsa in natura observari, vel prompto, facilique artificio præstari queunt. Quæ methodus tractandi objectum discursus mei spem præbuit me, sive falsus, sive veridicus habear augur in negotio meo, ad minimum quodammodo æstimatum iri patronum rei forsitan ipsis conjecturis veris præstantioris, naturali & experimentalis historię nobilissimi subjecti, GEMMARVM.

EDITOR AD LECTOREM.

Philosophia & Origo Gemmarum, ut & earundem utilitas ac virtutes industria Lectori hujus Speciminis videbuntur, ut persuasum mihi est, adeo rationaliter & curiosius in eo exposita, ut Opus ipsum nullo elogio opus habeat. Ego non dubitavi illud, non obstante Nobilis Authoris modestia, delicatissimo cuique palato offerre, vel sine praefixa hedera.

Eadem verò in Editione hujus Speciminis dicta & repetita velim, quae Interpres Doctissimi Stenonis, eius prodromo promissa Dissertationis, de Solidis naturaliter contentis intra Solida, in Linguam Anglicanam converso, & novissimo anno sumptibus Mosis Pitt in Parvo Britanno, impresso, in Praefatione Anglica scribit, quorum sensus est, ut sequitur.

„ Honoratissimum Authorem huius Speciminis, antequam vel inspicere, vel quicquam audire velles de Prodromo Stenonis, data occasione solenniter exposuisse Authori Anglica huius Versionis qui (ibi protestatur se loqui bona fide) summam & epitomen rerum in hoc Tractatu fusiùs deducendarum; cuius Manuscriptum dictus Interpres tum & vidit, & suae custodiae commissum accepit, ad procurandam eius Editionem: Summa autem hac erat; Primò, universalitatem Gemmarum Pellucidarum, aliquando fuisse substantiam liquidam, illarum complures, dum erant fluidae, vel minimum molles, fuisse imbutas in liquoris mineralibus, cum istis concoctis, unde arbitratum, diversae reales qualitates, virtutesq; Gemmarum probabiliter derivari.

„ Secundò, quod attinet ad opacas gemmas, aliisque lapides medicinales, cuius generis sunt Hamatites, Lapidēs, Magnetes, Smyrides, &c. existimat eas fuisse ut plurimum terram (in quibusdam forte casibus plurimum dilutam & mollem) impregnatam copiosiore quantitate purorum metallicorum aliorumq; mineralium suorum seu particularum; quae omnia postea fuerint redacta in formam lapidis, accessione (aut exaltata actione) cuiusdam jam inexistentis liquoris petrescentis, seu spiritus petrifici, quam opinatur aliquando ascendere in formam vaporum; unde probabiliter deducantur non tantum diversae virtutes medicinales talium lapidum, sed & aliae quaedam illorum qualitates, ut color, gravitas, &c. necnon explicetur, quomodo eveniat quod ipse observavit (nec dubitat alios etiam observasse) in lapidibus alterius generis, vel marcasitis, vel ipsi vegetabilibus & animalibus substantiis, repertis in medio solidorum lapidum; quandoquidem substantiae illae facile concipi possunt terra incluse, dum adhuc esset terra mineralis vel limus, & postea theca quasi indurata, accessione petrificorum Agentium, quae eas pervaserunt.

„ Neque verò petrescentes illi liquores soli sunt, quibus arbitratum multa fossilia suam forsitan acceptam referre originem; quando aurum, & metallecentes & mineraliscentes succos posse esse in visceribus terrae, eos nonnunquam existere & operari inter eosdem spiritus & vapores.

Haec tenus Praefatio Versionis istius: quae hic reiterata proponitur, quò Nobili huic Authori vindicetur Theoria originis pretiosorum, aliorumque lapidum. Quo facto, non longius arcebo curiosum Lectorem à voluptate, quam ex lectione libri huius proculdubio percipiturus erit.

SPECIMEN



S P E C I M E N

D E

G E M M A R V M

O R I G I N E E T V I R T V T I B V S .

S E C T I O I .



VANQVAM fortassis non adeò difficile mihi fuerit proponere tibi conjecturam meam de causis *Virinum Lapidum Pretiosorum*; vereor tamen ut satis ejus fundamenta docere queam. Nisi enim transcriplero integrum discursum meum de *Origine Mineralium* in genere (quorum speciem nosti esse *Lapides*;) nequeo tibi exhibere omnes considerationes, quibus inductus fui, ut amplexarer conjecturam seu *hypothesein*

jamjam exponendam: & consequenter nequeo plenè tuo studio curioso *Gemmarum* satisfacere, nisi vel onùrtam plura, quæ admodum probabilem redderent sequentem discursum, vel proponam nonnulla (sine fusa eorum probatione,) quæ confiteor nec clata, nec quædam suo lumine probabilia videri. Quandoquidem verò id fieri vis, tuæ voluntati minimè refragandum duxi, ideoque offero tibi in unico discursu res varias concernentes doctrinam de *Gemmis*, quarum quædam pertinent ad alios meorum exiguorum tractatuum de *Origine Mineralium ex Fluidis*, aut minimùm *Adollibus Corporibus*; quædam verò directiùs de Gemmis scriptæ sunt: licet non sint dispositæ in modum integri Tractatus de illa materia, sed instar Corollariorum deducendorum, & applicationum faciendarum ex iis, quæ generaliori via tractata fuissent de Originatione Lapidum, aliorumque Mineralium. Itaque præsumens te mecum in hoc discursu suppositurum pauca quædam particularia, quæ arbitror, me alibi probabilia præstivisse, & forsan præstarem quoque ex nonnullis *Phænomenis* in hoc ipso scripto

A

memo-

memorandis , statim aggredere tractationem Objecti ipsius , nisi præviam Admonitionem summè necessitatim arbitrater.

Velim enim te in ipso hujus discussus exordio scire, me conjecturas meas de *Virtutibus Gemmarum* proponentem non supponete veritatem omnium, imò ne decimæ quidem partis admirandarum illarum proprietatum, quas hominibus illis tribuere placuit. Nam non solum scriptores Magiæ Naturalis, sed & viri probare fidei ac celebres, qui cautiùs ac moderatiùs progredi debuerant, exposuerunt in scriptis suis varia de *Gemmis*, quæ aded inepta sunt ad fidem promittendam, eorumque nonnulla aded impossibilia & naturæ repugnantia, ut opiner eorum credulos homines inter eos, qui Philosophorum titulum vel ambiunt, vel metentur, non minùs esse raros, quàm *Gemma* ipsæ sunt inter *Lapides*. Illi etiam, qui admittere possunt istiusmodi improbables fabulas, tanto afficiantur ab hominibus judicio pollentibus contemptu & vituperio, quantà geminæ à divitibus æstimatione extolluntur.

Ego sanè nunquam vidi magnos effectus editos à duis illis & pretiosis lapidibus, (*Adamantibus, Rubinis, Sapphiris,*) qui solent annulis insigi. Attamen quia Medicis à tot seculis placuit præscribere fragmenta pretiosorum lapidum in quibusdam maximi nominis Catdiacis compositionibus, quia etiam multi viri celebres istius professionis, nonnulli eorum famosi scriptores, & quidam *Virtuosi* mihi familiares, vel scriptis suis, vel ore tenus, mihi asseruere quosdam notatu dignissimos effectus *Gemmarum* (inprimis *Crystalli*), quos propriis & particulatibus observationibus edocti didicerunt; & tandem, quia (ut mox ostendam) nullam impossibilitatem competio, quin ad minimum quedam pretiosæ & minus duræ (quanquam reipsa majoris valoris) geminæ polleant notandis operationibus in corporibus humanis, quarum aliquas experientia mihi evicit, nolo sine discriminine rejicere qualvis virtutes Medicinales, quas Traditio & Scriptores de Lapidibus Pretiosis, Nobilibus illis Mineralibus adscribere: mihi quæ sufficit verbo declarasse, quòd conjecturæ meæ, maximà parte virtutum illarum falsitatis suspecta, duntaxat ed tendunt, ut unam causarum exhibeant virtutum *Gemmis* adscriptarum, quarum *veritatem* experientia demonstrat.

Postquam hoc modo explicui, quo sensu conjectura mea de Virtutibus Lapidum pretiosorum sit intelligenda, consequens est ut proponam conjecturam seu *hypothesein* ipsam; cujus summa commodè comprehenditur his duobus particulatibus: Primb, Multas Gemmas, Lapidesque Medicinales, sive olim fuisse corpora *fluida*, ut pellucidas; aut ex parte compositas esse ex talibus substantiis, quæ fuerunt aliquando fluida; Secundo, Multas veras virtutes illorum lapidum videri derivatas ex *Mistura Metalliarum*, aliarumque Mineralium substantiarum, quæ (quanquam improvise) solent in illis incorporari: gradusque varietatis & efficaciæ illarum virtutum attribuendas quibusdam faustis concurrentibus substantiis illius mixturæ. Horum capitum prius pertinet proptiè ad *Originem Gemmarum*, posterius partim ad eandem, partim ad *species & gradus* illarum virtutum.

Gemmas

Gemmas autem quasdam, imprimis durissimas, seriùs ipsa Terra initium capere, forsan videatur sapere Paradoxum, nec dubito, quin multi habituri sine pro insigni paradoxo, quædam durissima solidorum corporum aliquando fuisse fluida vel liquores: Quare conabor probabilem reddere hanc *Hypothesin* Considerationibus sequentibus.

† Primò Diaphaneitas Adamantium, Rubinorum, Sapphirorum, pluriumque; aliarum Gemmarum optimè responder huic conjecturæ; adeoque, illi favere videtur. Nam minus probabile est, Corpora, quæ nunquam fuisse fluida, ita ordinate dispositis gaudere partibus constituentibus, prout pelluciditas requirit; quam quæ aliquando subsisterunt in forma liquida, qua durante radii lucis facile poterant quæque penetrare, & solida corpuscula disponere modo ad constitutionem pellucidi corporis requisito. Quamobrem videmus particulas *Argentii* in *Aqua Forti*, vel *Plumbi* in *Spiritu Aceti* per solutionem reductas in formam fluidam, utut priùs opacas, postea tamen ita esse dispositas, ut non tantum constituent pellucidam solutionem, sed &, si placuerit, pellucidas crystallos. Et qualia Chymici solent in illis metallis experimenta facere, talia me curiositas adigit in diversis lapidibus facere, quæ deinde data occasione tibi referam. Sed hoc Argumentum potius ad confirmationem, quam demonstrationem meæ conjecturæ in medium profero.

Secundò, Origo Gemmis adscripta etiam illustrari videtur ex *Externa Figuratione* aliquot illarum. Etenim planè videmus, corpuscula Nitri, Aluminis, Vitrioli, & ipsius Salis Communis coagulata in liquoribus, quibus antè innatabant, concurrere in crystallos concinnav & determinatæ figuræ. Idem quod expertus sum in variis metallicis corporibus dissolutis in diversis menstruis. Verùm nisi lapis concrefcens, aut aliud simile corpus vel circumdatum, vel magna ejus parte contiguum fuerit fluido, non facile imaginatu est, quomodo acquirat concinnam angularem & determinatam figuram: concrefcencia enim corpora, ut ita dicam, nisi satis spatii habent in Ambiente fluido, ad congruam dispositionem suarum partium, non possunt semet redigere in compas & regulares figuras, quales ostendam mox diversas gemmas videri affectare; sed materiam ex qua constant, oportet adaptari figuris cavitatis, in quâ continetur, quæque; in hoc casu non tam Matricis, quàm moduli vicem gerit. Ita quoque videmus Salnitri & diversa alia Salia, si aqua, in qua fuerant dissoluta, plurimum fuerint decocta, antequam crystallifentur, & liquor fuerit impositus vitro, coagulati in massam figuratam ad similitudinem lateris interioris vasis, aut si aliquantum liquoris remanserit post coagulationem, illa pars massæ nitrificæ, quæ fuerat reducta in concrecionem contiguam vitro, prædita erit figura interna ejus superficiiei; sed crystallos contigua residuo liquori, quibus est fluidum Ambiens in quo concurrant, habebunt partes illas suorum corporum, quæ sunt contiguæ Liquori, concinnè formatas in figuras Prismaticas Nitroproptias.

Vt jam hoc applicem Gemmis, diço diversa illarum genera habere Geomet-

tricas & ordinatas figuras, quanquam illæ vulgò non observentur, quoniam solemus eas videre jam politas, vel etiam jam infixas annulis & cimeliis; ego tamen sæpiùs figuras illas observavi, quando illas inspexi rudes, prout natura produxerat, & non rarò diversas ex matricibus suis excepi. Memini enim me excipere plurimos *Indicos Granatos* ex massa heterogeneæ materiz, cujus distinctæ cavitates similes totidem cellulis, continebant lapides, in quorum superficiebus quibusdam videri poterant Triangula, Parallelogramma, &c. Cum etiam aliquando essem prope rupem, unde lapides illi vel Adamantes præcipuè afferuntur, qui vulgò appellantur *Bristolstones*, (*lapides Bristolenses*,) memini me illuc equo vectum curasse, ut Operarii eorum aliquot in usum meum effoderent, quorum diversos comperi concinnè & ordinatè figuratos, non multum absimiles Crystallis Nitri, quibuscum illos contuli. Eandem quoque figurationem observavi variis *Adamantibus Cornubiensibus*, nec non in quodam pulchro & grandi, quem quidam ignorans qualis esset, inter complures minutiores in *Hibernia* repertum mihi obtulit. Et ut videas, non tantum in his mollioribus Gemmis concinnam illam figurationem reperiri, addam me inter varios lapides, quos possidebam & ducebam esse *Rubinos* (illos autem *Gemmarum* summe duos norunt) reperisse plurimos quorum figuræ, utut haud similes figuris *Lapidum Cornubiensium* & *Hibernicorum*, tamen erant compz & geometricæ. Idem etiam observavi vel in durissimis corporibus, *Adamantibus* ipsis, quorum unum inter Collectionem meam Mineralium satis amplum, eundemque impositum habui, percepique superficiem ejus compositam esse ex diversis Planis Triangularibus, quæ quidem non erant exactè plana, sed intra se quasi minutiora Triangula continebant, quæ maximam partem in unum concurrebant punctum, videbanturque quasi obtusissimum angulum solidum constituere: Hoc experimento animatus examinavi diversos alios rudes seu impositos Adamantes, & plurimos illorum comperi præditos angularibus & ordinatis figuris, non dissimilibus jam memoratarum. Cum verò adhuc consuluisssem peritum *Gemmarum*, eundemque peregrinantem, ille licet mihi non posset impositorum Adamantium, quos viderat, figuras describere, tamen narrabat, se potissimum eos figuratos vidisse eodem modo, quo ille, quem ostendebam ei, figuratus erat; adeò ut talis figura signo ipsi esset, quo solitus erat Adamantem verum ab aliis lapidibus discernere, si opportunitas cum per duriciem examinandi deesset.

Hoc etiam addam in favorem comparationis paulò ante-memoratz, inter coagulationem *Salisnitri* & *Gemmarum*, quòd cum aliquando composuisssem mirum menstruum, in quo poteram dissolvere nonnullos lapides pretiosos, concurrebant in liquore crystalla satis ampla, & in tantum pellucida & eleganter figurata, ut videri potuissent Crystalla Nitri, erantque, nisi fallor, insipida. Aliquoties etiam observavi in talibus lapidibus, nempe in Adamantibus Bristolensibus, partem illam inferiorem lapidis quæ videri posset radix, multò minùs pellucidam, (nisi fortè opacam) & omni ordinata

ORIGINE & VIRTUTIBVS.

seu regulari figura destitutam fuisse; cum tamen superior lapidis pars continere esset figurata, constans ex septem hedris seu lateribus planis, quæ quasi ex vertice erant oblique secta, ut constituerent sex Triangula in *Vertice* terminantia, instar Triangulorum *Pyramidis*: cujus rei ratio videtur, quod inferior pars, qua lapis adhæsit matri, fuerit inquinata limositate ejus, & necesse habuerit se accommodare in figuram, qualem habebat contigua pars cavitatis, cum tamen superior pars lapidis non tantum formata fuerit ex puriore parte lapidescentis succi, antequam vehiculum æthereum penitus exhalasset, sed & spatii satis habebat, in quo concurreret in concinnam figuram suæ naturæ accommodam. Hocque longè magis conspicuum est, ubi complura horum crystallorum concreverunt quasi in racemos ex una minerali massa; quemadmodum vidi non tantum in mollioribus illis, sed & pellucidis concretionibus, quas quidam recentiores scriptores, de Mineralibus (antiquiores enim videntur eas vix cognovisse) vocant *fluores*, & præcipuè in quodam purissimo pastillo, vel massa minerali, quam mihi aliquando ostendit Princeps pariter ac Virtuosus magni nominis, cui illa nuper erat oblata. Illa enim massa constabat ex duobus pastillis parallelis, qui videbantur compositi ex cænofo genere Crystallinæ materiæ, & ex unoquoque pastillo excreverant alterum versus plurimi lapides, quorum quidam cohesione suâ duos pastillos connectebant, erantque plurimi horum lapidum, quos circumdabat exiguum spatium vacuum, in quo concurrere poterant regulariter, geometricè figurati, & pulchre colorati instar Germani *Amethysti*. Est mihi quoque satis grandis lapis, quem in *Anglia* nostra invenit Nobilis mihi familiaris: ille constat (quasi) ex quatuor partibus: infima est tenue & latum planum lapidis vilis, tantum sparsim condecorata minutissimis nitidis particulis, quasi essent naturæ metallicæ, (quod & verosimile videtur;) Illa super parte extensa est alia tenuis & alba, attamen opaca areola, quæ aded inclusa est inter primam dictam areolam & duas alias, ut sine lapidis destructione non possim illam satis bene examinare: Tertia pars constat ex congerie minutorum Crystallorum densissimè confertorum, qui propterea albicantem referunt speciem, parum vel nihil proprii coloris habentes; estque huic parti cum singulis prioribus communis crassities paulo excedens crassitiem grani hordeacei. Quarta, eaque suprema pars, quæ adhuc maximam partem videtur constare ex iisdem specie Crystallis, quæ quod altius excreverunt atque extenduntur, hoc lentiore colore tinctæ sunt, composita est ex magno numero *Amethystorum*, pallido partim, partim splendidissimo colore tinctorum, qui figura, & magnitudine plurimum differunt ab invicem, secundum commoditatem (uri coniecere licet) quæ concurrere poterant; hi ad unam extremitatem siti sunt in plana (quasi) areola & vix excedente longitudinem grani hordeacei; isti autem ad alteram extremitatem concurrunt satis altè in figuratas crystallos, quarum nonnullæ æquant verticem digiti mei auricularis, & hi sunt maxime pleno colore præditi, & egregiè duri, siquidem competi eos in vitro incidere ctenas.

Memini etiam, cum visum irem celebrem lapicidinam, non multum distantem à fonte aliquantulum petrifico, me curare diversa frustra asperorum & opacorum lapidum confringi, spe concepta in illis repertum iri puriorem quandam succum coagulatum in puriores substantias; nec me mea spes fallēbat, reperiebam enim in solida lapidis massa cavitates, quarum latera undique; circumdederant concretiones, quæ cum essent pellucidæ instar Crystalli, & elegantissimè figuratæ, videbantur fuisse succus lapidescens purior, qui tandem percolatione quadam per substantiam crassioris lapidis penetraverat in illas cavitates, & postquam evaporassent superflua & aquæ partes, aut imbibitæ fuissent à vicino lapide, poterant concurrere in pura illa Crystalla, quorum tantus erat numerus, ut penitus obregerent latera Cavitatum, prout tibi ostendere possum in nonnullis amplis racemis illorum, quos inde mecum tuli. Cum autem quævissem ex fossore veterano, annon aliquando offendisset majorem illorum numerum, ille affirmabat, offerebatque mihi magnam massam constantem ex numerosa congerie mollium Crystallorum, (sed nil ita coloribus omnibus destitutum ut ista proximè memorata,) ad invicem quidem adhærentium, sed à rupe undique solutorum: aded ut viderentur propere coagulata in quadam cavitate, quasi in modulo, ubi concurrentia & commixta ante concretionem quibusdam solutis particulis argillæ, massam eo ipso videntur discolorem reddidisse.

Argumentum nostrum petiit ex figuratone lapidum pellucidorum multum confirmatur ex coalitione duorum vel plurium istius generis lapidum quam nonnunquam observavi, & congruitate figuræ nonnullorum cum figuris illarum partium aliorum, quæ eis contiguae erant, & post formatae videbantur. Sed quamvis hoc *Phænomenon* magni momenti sit ad scopum discursus mei, tamen, cum videam mihi occasionem postea non defuturam illud prosequendi, nunc prætereo.

Tertio, Neque tantum externa figuratio harum Gemmarum, sed & interna textura nostræ Hypothesi favet; quarum quædam videntur in sua coagulatione imitari diversas substantiarum illarum, quas observavi aliquando fuisse fluidas. Sal Commune posse componi ex exiguis particulis salinis, quæ per convenientem juxtapositionem possunt associari, ut evadant magnæ massæ, quarum plures sunt cubicæ, ex Observatione facili constat. Quid autem istiusmodi Coalitiones particularum constituere queant solida & duriora corpora, expertus sum frangendo grandiores cubos Salis Geminæ, & massas Insulæ *Mago-Salt*, quorum illud est *fossile*, hoc *marinum*, utrumque *naturale*. Similiter quoque expertus sum, quod licet Argentum dissolutum in Aqua Forti videri soleat concurrere, si observetur, in planas & maxime tenues lamellas seu bracteas, tamen omnino ita disponi potest coagulatio, ut complures harum tenuium bractearum in suo concursu planas suas hedras ita habeant invicem superimpositas, ut consiciant satis amplas & crassas crystallos, quarum ipsæ hedræ exteriores erunt exactissimè figuratæ, ceu quæ sunt peculiare genus

Vitrioli.

Vitrioli. Neque ista sola sunt fluida corpora, quæ ego reduxi in coagulationem Concurfus, ex istiusmodi Textura plana, quare suspicio animum movit, eandem esse forsitan rationem diverforum pellucidorum Mineralium; Etiam in quibusdam pellucidis Talcis, quorum exteriora erant mathematicè figurata, experiri animus fuit, an ipsæ gemmæ, non obstante sua duritie, præditæ esse tali interna figuratione. Nec me deterruit, quod supponantur Gemmæ esse uniformis texture, & quod requiratur in bracteis prodigiosa tenuitas, quæ componat lapides pellucidos, quandoquidem tale quid nec lyncei oculi unquam observarunt; verum suppositum fuit, texturam omnium gemmarum esse uniformem, sine granis seu fibris, instar auri. Quod autem concernit tenuitatem bractearum, ego aliquoties lumini obtendi *Vitrum Moscoviticum*, cum aded tenue esset, ut spectatores, quanquam aciem oculorum intenderent, vix bracteam ipsam videre possent, & nulla ratione inducerentur, ut crederent illud posse diffindi, donec reipsa diffinderetur, & tunc aliquoties præter speciem meam ipsum subdivisi. Sed ad examen hujus conjecturæ accepi lapides quosdam præditos figuris Geometricis in parte quadam suarum superficiarum, quos aliis de rationibus opinabar aliquando fuisse substantias fluidas, & diligenter perspectis eorum nonnullis, qui mihi maxime omnium satisfacturi videbantur, satis clarè observavi, non tantum ope Microscopii, sed & nudis oculis, plures parallelas commissuras, quæ planè videbantur compositz per contiguas acies exiguarum, tenuiumque bractearum lapidis, invicem (ut apparebat) superimpositarum, plurimum similes foliis libri parumper aperti.

Cum aliquando lumini obicerem amplam & crudam gemmam, quam Gemmarii Anglicè vocant *Grizolette*, est autem dura & subcærulea, asserturque ex *India Orientali*, & cum curiosè eandem observarem, nonnunquam distinctè in lapide videbam granum, aiebatque peritus artifex, qui ex iis sigilla elaborabat, lapides illos facillè diffindi secundum ductum grani sui. Non urgeo, quod & in aliis quibusdam lapidibus preciosis, iisque scætis & politis, speciatim in Hyacintho, ac in ipsa Sapphiro, diversimodè lumini obversis, potui quasi commissuras aded subtiles observare, ut Gemmarii de lapidis integritate lirem movere non possent. Hoc, inquam, *Phænomenon* ultro prætereo, quia non est tanti momenti, quanti illud, quod diversis vicibus observavi in recentibus Anglicanis *Granatis*, in quibus, inprimis diffractis, acies & commissuræ tenuium bractearum aut planorum, ex quæis constabant, facillimè videri poterant. Ut autem experiret, an etiam idem observaretur in durissimis lapidibus, accepi Adamantem satis magnum & impoliticum; ille Microscopio subjectus ostendebat commissuras bractearum, quarum gratiâ experimentum illud institueram: acies illarum non erant ita exactè dispositæ in planum, quin quædam satis viderentur eminentes instar exiguiorum jugorum, sed latæ in vertice supra lineam horizontalem reliquarum. Et has bractæas parallelas cum suis commissuris poteram in grandiore Adamante satis clarè audis oculis discernere. Plenioris verò satisfactionis causa accessi petium
Gemma-

Gemmarum & Sculptorem seu Polito rem Gemmarum, qui asserabant se sæpe reïterata & firma experientia edoctos tem in suâ arte notam, impossibile penitus esse (non quidem frangere,) sed *findere* Adamantes planè per transversum (ut ita loquar) grani in modum crucis, sed non admodum difficultet illud perfici uno ictu ope instrumenti chalybe durati, cum jam repetum fuerit, ex quâ parte lapidis & quam partem versus instrumentum filforum sit impellendum : quamobrem evidens est Adamantes ipsos habere granum, seu planam contexturam, non dissimilem *fissilitati*, ut in scholis loquuntur, ligni; quam facile concesseris, constare ex assimilata aqua seu succis; eumque fuerint aliquando corpora fluida, faciliè potuerunt talem dispositionem particularum suarum admittere, quæ constituerent corpus longè facilius fissile secundum *Ductum* fibratum, (seu planorum,) quam alio modo. Cum etiam observassem ut arbitrabat, aliquando in impolito Adamante, quem eo sine examinabam, plana illa, quorum acies terminabantur in uno plano, multum abire à parallelismo cum planis illis, quorum acies componebant aliud planum, (loquor autem de physicis planis ejusdem lapidis,) animo concipiebam, adamantem illum non diffusum iri planè in duas partes, eo quod commissuras verisimile esset concutere in angulos in corpore lapidis, & ita se tem habere didici à seniore politore adamantium, qui narrabat sibi aliquando obvenisse lapides, omnem ejus peritiam eludentes, qui nullo modo diffindi possent instar aliorum in duas partes, sed disrumpentur in frusta, antequam penitus diffissi essent; esseque illud vitium lapidis, quod non posset certò prævideri, sed deberet disci ex ingratis eventibus.

Quartò, Non videtur improbabile, colores *diversarum* Gemmarum (non enim dico *omnium*) esse *advemicios*, illisque participatos sive à quodam succo minerali colorato, sive à quadam minerali exhalatione tingendi virtute prædita, quoad Gemma seu lapis medicinalis erat vel in *solutis Principiis* vel constabat ex textura satis aperta, ut per eam penetrarent vapores minerales. Cujus argumenti pondus non metetur quidem ut perfunctoriè saltem attingatur; nequeo tamen de eo plenè disserere paucis verbis, quia non tantum *suggeris* diversas observationes, aliaque particularia, sed & *requiris* mentionem præcipuorum illorum; quare illa nunc subjungo.

1. Horum primum est; ex observatione certum esse, multas gemmas, ne dicam ferme omnes, colore suo privari, si nimis diu in igne jacuerint : Aded ut testimonio eruditi & experientissimi *Boetii de Boot* confirmetur, omnes gemmas in igne colore suo privari, exceptis granatis *Bohemici*. Quousque veritas hujus asserti extendatur, nondum oblata fuit opportunitas penitus examinandi. Sed hoc satis memini, quod aliquando studio exposui gemmas diversas in ignem, licetè moderatum; mediante crucibulo, ubi quorundam Tinctura multum videbatur diminuta, aliarum omnino destructa. Illud tamen adhuc monendum est, quòd illa tentamina, nisi cautè fiant, faciliè nobis imponent; imprimis si minimè consideramus naturam albedinis, Nam si corpus pelluci-

pellucidum fuerit diuisum in multitudinem minutissimarum partium, & per consequens adeptum fuerit multitudinem distinctarum superficierum, quæ validdè reflectunt lumen quaua extrosum, apparet, quantum mihi observare licuit, albo tinctum colore, eoque vel magis, vel minus vivido, quo vel plures, vel pauciores fuerint particulæ, vel grandiores, vel minutiores, aut alio modo aptæ diffundendis radiis luminis; sicut videre est in limaculo vitro *Venetico* reducto in pulverem, quod albam referet speciem; ipsaque libraria tinctura rubra, si ita agitur aut commoveatur, ut reducatur in spumam, constantem ex plurimis minutis bullis, videbitur induisse albedinem. Adde ut etiam geminæ, si forte nimis præcipite ignitione, aut nimis properâ refrigeratione, innumerabilibus, tenuibusque fissuris fuerint distinctæ, videri queant tinctura pristina expulsa suscepisse albedinem, quando earum albedo reipsa procedit ex multitudine exiguarum illarum fissurarum, quæ singulæ imperceptibiles sunt, idque non sine majore vetisimilitudine, quoniam corpus retinet pristinam suam figuram, & apparentem integritatem. Ad hujus Phænomeni illustrationem, sæpe in crucibulo crystallum candere feci, deinde frigida aqua calorem ejus extincti; ubi etiam partibus non dissilientibus, sed corpore pristinam figuram retinente, multitudo exiguarum fissurarum per hanc operationem productarum, pelluciditate abolitâ albedinem induxit. Quo experimento multitudo productarum fissurarum egregiè demonstrari potest incredulis, si crystallum ignita, ut aliquando feci, cautè & dextrè extinguitur, non in aqua, sed in plena admodum solutione *Cochenillæ* in spiritu vini, in quâ operatione, si bene perficiatur, (non alias) satis rubrarum particularum solutionis occupabit fissuras crystalli, quibus pulcher ei conciliatur color.

Alia tentamina quæ feci circa reductionem corporum albedinis in pallorem; sive pellucidorum, sive semi-diaphanorum duntaxat, seu pertinentia ad alium tractatum, hic prætereo, cum jam satis dixerim ad præsens institutum, quando novam positivè affirmare volui, argumentum nullum posse deduci ex operatione ignis in colorem gemmarum, quàm te cautum reddere, ut videas quæ argumenta inde deducta admittas.

2. Quare prima circumstantia nunc finita, ad secundam progredior, quæ pertinet ad nostrum Argumentum, (quam arbitreris majoris momenti esse, quàm priorem,) nempe colores diversarum gemmarum igni alterari, nisi destruantur; quod cum accidat diversis fossilibus pigmentis, (quorum nonnullis utor ad tincturam vitri) aliisque corporibus sine controversia mineralibus, arguit commixturam mineralium substantiarum. In illis lapidibus, quorum color recipit alterationes quasdam, de quibus loquor: quæ ultima verba addo, quia nolo tibi imponere celando, posse mutationem colorum induci per ignem, sine ullâ alteratione partium tingentium quâ talium. Nam ignita gemma in plurimas partes fissâ, gradus albedinis seu palloris emergens potest nonnihil immutare pristinum colorem. Sed cum illa alteratio sit tantum

B

species

species dilutionis, utique non est ea quam inuuo. Memini enim me *Indicas* granatos, in crucibulo demisisse in ignem, deinde comperi eos mutasse colorem suum rubicundum in obscurum & cœnosum, instar coloris ferri diu aëri expositi. Cumque aliquas partes achatae satis pulchrè distinctas diversis coloribus detinuissem tempore modico (nam non debent minus diu detineri) in igne, comperi, ut conieceram, maximam partem achatae videri tinctura sua privatam, reductamque in pulchram albedinem: in quibusdam autem locis, ubi erant maculae differentes à reliquis, & porrectae exiguae venae, quas conjicio esse naturae metallicae, ibi, inquam, color non erat extinctus, sed alteratus, & venae pigmenti ita coloratae nactae erant lentum ruborem, quem retinerent sibi relictæ; quantum inductus fui per quædam tentamina in aliis frustis *Indici* achatae, ut sentirem etiam ipsas illas metallicas tincturas non fuisse ita fixas, quin diuturnior ignis illas expelleret, & relinqueret lapides purè albos. Similis alteratio colorum, quam dixi inductam in venis achatae, reperitur quoque in venis aliorum nonnullorum lapidum, nec non in quibusdam calculis, inter quorum nonnullos, qui per ignitionem & extinctionem in aqua duntaxat pelluciditatem suam amiserant, unus, duove adepti erant colorem pristino multum obscuriorem, quod observandum duxi.

3. Alia circumstantia, quæ conjecturae meae favere videtur, hæc esto: quod non rarè fuerit observatum, plurimis locis, in quibus reperiuntur gemmae coloratae, vicinas esse fodinas minerales, seu venas metallorum. Nec vero abfimile mihi videtur, præviâ perita investigatione plura inventa de venis, sive mineræ metallicæ, sive alterius cujusdam mineralis, liquidi seu concreti, lucem visura, unde per succos vel vapores gemmae coloratae præsumantur. Sed ubi lapides pretiosi inveniuntur, solet humana industria & curiositas nimium inhicere mineralibus pretiosis, posthabitis vilioribus. Præterea in *India Orientali*, ejus regiones feracissimæ sunt plurimarum gemmarum, homines admodum imperiti sunt artis fossoriae; prout collegi ex responsis quorundam, qui studio illuc abierunt scrutatum fodinas, quas vocant, adamantium. Huc quoque referatur, gemmas nonnunquam reperiri in ipsis venis metallicis vel prope ipsas; sicut tibi ostendere possum aliquor amethystos, quos solers vir mihi familiaris ipse excepit ex parte soli abundantis mineræ ferri & stanni, ex quo etiam copiosè stannum effodiebatur. In frigidioribus etiam regionibus veluti *Germania & Anglia*, minus frequentibus gemmis duris, molliores illæ substantiæ, quas fossores vocant *fluores*, sæpe vel in metallicis venis, vel proximè illis inveniuntur, adeò elegantes tinctæ mineralibus succis, ut, nisi obstatet earum mollities, plurimi minimùm eas æstimarent smaragdos, rubinos, sapphros, &c. ut didici non solum ex quibusdam scriptoribus bonæ fidei de mineralibus, sed & ex testibus oculatis, & mea observatione.

4. Quarta circumstantia in eundem cum tribus prioribus finem alleganda hæc sit; quod videatur possibile, ex quibusdam gemmis per menstrua obtinere tincturas, quæ potius videantur extractiones, quàm dissolutiones strictè dictæ: non

non urgeam chymicos processus, qui in hunc finem in autoribus aliquibus occurrunt, quia circumstantiæ quædam in rebus & scriptoribus, mihi aded suspicatos fecerunt eos, quos tentare poteram (& sicut illi, qui requirunt incognita menstrua, verè, ita, quantum novi, falsi esse possunt,) ut negotium illud meum non facerem. *Semel* tamen ego feci menstruum, (dico *semel*, quia præparatio ejus aded casibus fortuitis est obnoxia, ut sæpius aberraverim) quod effusum in benè coloratos *granatos* non calcinatos, sed integros, brevi tempore condecorabatur fercnâ, amœnaque tinctura, quod in admirationem trahebat peritissimos viros, quibus illud monstrabam, quia menstruum non erat magis corrosivum, quam vinum album: & illam tincturam genuinam existimavi, cum quia frigide erat extracta, tum quia liquor semet non tingebar sibi relictus, nulla re imposita, tum denique quia ex antimonio extrahebat tincturam coloris penitus diversâ ab eo, quem jam memoravi. Nec in solis illis gemmis nempe granatis liquorem meum frigide operari feci.

5. Quatuor his circumstantiis addam quintam; nempe gemmas nonnullas, quas Gemmarii sine controversia asserunt esse rubinos, sapphiros, &c. sive densitas esse omni colore, sive præditas aliis insolitis. Celebris ille aurifaber *Brunnus* *cellini* in exiguo illo tractatu de suo artificio, *Pag. 10.* lectorem admonet, esse speciem rubinorum naturâ (non arte) albam, quod probat ex gradibus duritiæ propriis Rubinorum. Idem quoque autor alibi nobis memorat *beryllos*, *topazios* & *amethystos*, albas. Et videtur ex eo quod non procul à dicto loco dicit, *Gemmarios* Italicos non habere rationem tincturæ gemmarum, tamquam rei quæ de gemmarum sit essentia, ut vulgo æstimantur, quandoquidem *topazios* & *sapphiros*, quarum hæ cæruleæ, illæ flavæ sunt, sed ambæ durissimæ respectu gemmarum aliarum ab *adamantibus* (forsan quoque *rubinis*) ejusdem speciei statuunt. Gradus duritiæ *rubinorum* & *sapphirorum* sæpe adeo æqualis est, ut peritus Gemmarius *Anglicanus*, quem novi, ea solum de ratione (non enim novit unde differentia colorum procederet,) *rubinos* & *sapphiros* specie non differre existimaret.

Quod autem gemmæ, quas ad eandem speciem referunt Gemmarij, possint diversissimis coloribus esse tinctæ, verum est, idemque me docuere notanda exempla *adamantium* ipsorum; quæ ideo præfero aliis exemplis, quia summa durities adamantum certissimum est indicium, quo Gemmarii adamantem discernunt à quovis alio lapide, si eum imponere datur suis rapide moris rotis, quibus adamantes poliunt. Vidi itaque adamantes alios subflavos, alios flaviores, denique inter alios unum adeo flavum, ut primo illum haberem pro pulchro topazio, licet esset adamas æstimatus fere tribus libris auri, vidi etiam adamantes, eosque impolitos, allatos ex *India Orientali*, & statim emptos à mercatoribus adamantum pro adamantibus, qui vel tubæcærulei vel subvirides erant. Et speciatim contemplatus sum unum lapidem, qui aded viridis erat, ut eum existimarem esse smaragdum nisi figura ejus & alia quædam mihi contrarium evicissent.

Aliquando emi aliquamultos exiguos *rubinos*, quorum plures erant con-
cinne figurati, eosque contemplatus penitus, quàm per festinationem in emen-
do liceret, reperi in magno numero aliorum lapidum. unicum saltem omni co-
lore destitutum; sed aliàs ita similem, reliquis, ut concluderem illum auctu-
rum fuisse numerum aliorum, nisi coagulatus & duratus fuisset, antequam mi-
nerali pigmento eodem cum aliis colore tinctus fuerat. Quæ conjectura mea
confirmabatur, cum ex viro quodam, qui fuerat in præcipuis locis *India Ori-
entalis*, ubi *Rubini* reperiuntur, & speciatim propè Amnem *Siamensem* vel *Pegua-
num*, ubi aliquandiu fuerat commoratus, & frequenter viderat ex fundo aquæ
excipi rubinos, nec non quandoque eos ipse exceperat, prævia inquisitione di-
dici, cum vidiſſe compluſculos lapides, quorum singuli partim rubini, partim
colore caſſi erant: & nonnunquam in uno eodemque lapide occurrere duas
partes ejusdem speciei, tertiamque alterius speciei, utut sitam in medio istarum
priorum partium: unde non rarò gemmarum sculptores coacti fuere plurimum
diminuere magnitudinem corporis talium lapidum, reſecando partem non tin-
ctam. Imò, niſi me memoria admodum fallit, vidi in Principis curioſi, magni-
que nominis repositoſio, alias inter raritates, annulum, cui adaptatus erat lapis
modicæ magnitudinis, cujus dimidium ſaltem, vel circiter, bene tinctum erat,
alterum dimidium colore deſtitutum.

In gemmis minus precioſis, nec ita pellucidis, præcipuè in achatis & gem-
mis opacis, facile exhiberem multitudinem exemplorum diverſimodè tinctar-
um partium ejusdem ſolidi lapidis. Ego ſoleo gerere annulum decoratorem
exiguo ſardonicho, qui olim fuerat magni Principis, in quo tres partes exiſtunt
ſibi ſubordinate, ſuprema nigra, media colore caſtaneo, inſima cæruleo imi-
tante lapidem turcinum, quarum particularum ſingulæ graphice aſſectant figu-
ram ovalem, illæ quoque duæ extremæ eandem ubique ſervant latitudinem,
eodemque gaudent colore, ac parallelum cum media obtinent ſitum. Sed hic
non ita conveniens eſt, ac poſtea erit, multiplicare exemplum opacarum gemma-
rum: quare (mentionem tantum injecta ſardonichis, quia non ſemper eſt opaca)
addam de pellucidis, gemmas ſub ſpecie ſapphiri non tantum reſerre cæruleas
illas gemmas, quæ ſolent ſapphiri nomine venire, ſed & alios quosdam lapides,
ob ſuæ duritiei ſapphiriticæ gradum; quanquam illos ob tincturæ deſectum vo-
cant albas [ſapphiros.]

6. Sexta & ultima circumſtantia pertinens ad præcedens argumentum ſeu
conſiderationem, hæc eſt, nonnunquam reperiſſe gemmas partim tinctas, par-
tim colore carentes: quaſi tingens pigmentum commixtum uni parti materiæ,
ex quâ lapis conſtabat, dum eſſet liquidus vel mollis, non ſatis copioſus fuerit
ut ſe diſſunderet in totum, & omni illi portioſi, quam tingit, præberet æquè
intenuſum colorem. Non diſſiteor quandoque in quibuſdam caſibus diſſuſionem
poſſe ſiſti per petreſcentes ſuccos coagulatos priùs in alia parte ab ea, cui tin-
ctura fuit commixta. Et forſan in aliis caſibus diverſi colores pertinere ad
diverſas particulas materiæ, coagulatas vel agglutinatæ ad ſingulas alias, di-

versus temporibus, ut tamen unicus solidus lapis videretur, prout postea dabitur occasio declarandi. Etiam si verò huc non spectat, tamen cum, quacunque etiam harum explicationum admissa, minimùm confirmet præcipuam nostram *hypothesin* (de origine geminarum ex fluida & molli materia,) revertar ad id quod dixi de geminis partim tinctis, partim colore cassis. Et obiter saltem indicato, me in quibusdam duris & semidaphanis lapidibus *Europæ & Indiciæ Orientalibus*, observasse maximè inæqualem & inordinatam diffusionem tincturæ, addam illis quæ colliguntur pro conjectura proposita ex rebus antè & post relatis, hæc duo particularia.

Quorum primum est, me vidisse (quod & opinor me alibi memorasse) in *Italia*, alias inter raritates, amplam crystallum æquantem circiter ambos meos pugnos, cujus pars pyramidalis erat colore viridi pellucido, *vertex* admodum tinctus instar smaragdi, sed quò longius color à *vertice* diffundebatur, eo lentior & pallidior evadebat; ita ut *totus* terminaretur, ut ita loquar, antequam basin attingeret, relicta ampliore parte lapidis pellucida, sed colore cassa instar vulgaris crystalli. Et huc non perperam referam sententiam *Iosephi Acoſta*, ubi dicit, *Smaragdus* crescere in lapidibus crystalli similibus, seque vidisse, illos in eodem lapide instar venæ; *Videnturque*, addit, *magis magisque crassescere & expurgari*. In eodem porò loco eruditus ille Author memorandam exhibet observationem, quâ confirmetur & quod nunc, & quod paulò ante dixi, de *gemmis colore desinitis*: *Vidi*, inquit, *quasdam dimidia parte albas, & dimidia virides; alias totas albas, & quasdam virides ac summè perfectas*. Et hoc est primum particulare, quod proponendum erat.

Alerum mihi exhibet modus, quo usus sum, quemque, alibi descripsi, in tingendis crystallis petrosis utrumque pulchris coloribus per vapores minerales. Et supposito partes ita coloratas esse instar integri lapidis, quæ fuit communis sententia observatorum, exemplum illud accommodum erit nostro proposito nil obstante objectione, Nam licet colores hoc modo producti non soleant crystallos illas multùm pervadere, penetratioque illorum adjuvetur non debili gradu caloris; tamen ex altera parte considerandum est, partes illas crystalli obtinuisse plenariam suam duritiem, & post colorationem secari & poliri in modum aliarum crystallorum; cùm tamen gemmæ, quas conjectura nostra innuit, supponantur fuisse tinctæ in locis subterraneis, cum adhuc essent fluidæ, aut minimùm molles. Quod nonnunquam in visceribus terræ generentur exhalationes minerales, quæ semet applicare queant lapidibus ibi occurrentibus, in alio * discursu sufficienter declaravi.

Quod verò etiam quædam duræ & lapideæ substantiæ actu fuerint tinctæ ejusmodi vaporibus mineralibus in subsequente discursus hujus parte observare dabitur. Recordor etiam me in sapphiro tam dura gemma, observasse efficaciam horum subterraneorum vaporum; cùm sæpe viderim unum sapphirum, cui insculptum erat elegans sigillum, quique adhuc servarar miram

B 3 illam

* De Subterraneis Ignibus, &c.

illam tincturam, licet multum fuerat resectum, ut reduceretur in exquisitam figuram, cumque quæliuissim ex viro perito mihi familiari, à quo sigillum exsculptum, mihi ille asserbat se comperisse eundem perfecto gradu duritiei saphiricæ præditum, & confitebatur vapores minerales cum tam extraordinario colore tinxisse, ut arbitraretur iudicio oculorum potius *Chalcedonium* æstimandum fuisse.

Nunc verò, Domine, vereor ne venia tua mihi opus sit, quod aded prolixè discui de uno particularium pertinentium ad argumentum meum; in cuius rei excusationem non alià instructus sum apologia, quam quod sperem proposita vix incongrua visum iri, & quodd forsan discursus meus majore cum tædio lectus fuisset, si prolixitatis vitandæ causâ quædam haud congruè omisissim.

His ergo dictis de *quarta* consideratione, nunc progredior ad *quintam*, cujus loco, in patrociniū hypotheseos hætenus probatæ, propono argumentum, quod arbitror te non minimi valoris æstimaturum; nempe, solidas gemmas posse sibi met includere materiam heterogeneam. Diversa exempla hujus generis in lapidibus opacis, alibi recito ex propria observatione; sed in pellucidis rarissima sunt, quare puto nemini mirum visum iri, si tantum pauca in medium protulerō.

Primo itaque hac occasione memini, fæminam illustrem ingenio & virtutibus egregiè præditam, quæ comitata fuerat matrem suam legati munere functurum magno coram Monarcha, mihi asseruisse, quod inde attulerit inter pretiosa dona, aliæque rara, (quorum quædam mihi ostendit) crystallum, in cuius medio conclusa erat gutta aquæ, quæ faciliè motu suo observari poterat, crystallo inprimis situm mutante. Et, nisi me memoria fallit, in quibusdam frustis crystallo petrosæ observavi aliqua, quæ videntur arguere interceptum fuisse aliquid in corpore lapidis.

Vir curiosus, qui multum fuerat peregrinatus, eratque admodum peritus gemmarum *Indicarum*, præcipuè earum quas vocant Anglicè *Grisolets*, ex *Indiis* allatarum, quarum maximam, quam unquam vidi, mihi ostendit, interrogatus à me, utrum in illis aliquando invenerit substantiam heterogeneam, qualem non obstante duritiæ suâ quædam conclusam tenere ex nonnullis observatis suspicari cœperam, respondit, se inter diversas crudas ex *Indiis* allatas, cum admiratione vidisse unam magnitudine circiter avellanæ, in cuius substantia solida esset cavitas continens certum liquorem; qui, mutato situ lapidis hinc inde moveretur in cavitatē: guttam autem, cum subsidisset, æquare asserbat magnitudinem rotundæ margaritæ, quam mihi ostendebat; illaque aliquantulum minor erat monili modicæ quantitatis. Datoque Responso ad quæstiones propositas pro solvendis dubiis meis, addebatur, illam raritatem lapidi aliàs exigui valoris, conciliassè pretium centum librarum. Ipse etiam vidi monstruosam gemmam, si eo nomine vocari meretur, rem priore non minus raram, quam familiaris meus (ut postea comperi) emerat à viro paulò antè

memora-

memorato, cujus rationem de gemma dicta *Grisolet* ed credibiliorum judico, quod aliquando in disrupti lapidis allati pro ratitare ex *Indiis Orientalibus*, ubi gemmæ sæpè in his lapidibus solent latere inclusæ,) solida substantia (quæ aded dura, ut instar silicis ignis scintillas emitteret, inque exiguis suis planis minimum semidiaphanes erat) reperi cavitatem, in quâ erant coagulati minutissimi, sed politi lapides crystallini, qui videbantur apice suo introitum vergere unde pronum erat colligere, exitu ibi liquorem, in quo concurrerint nixidæ illæ particulae, quanquam progressu temporis residua & incoagulabilis pars ejus forsan fuerit imbibita per materiam ambientem, nisi per eandem evolavit, virtute peculiaris cujusdam congruitatis cum poris lapidis. Quod non debet videri impossibile, quandoquidem experientia nos docuit, solidos quosdam lapides & ipsas gemmas posse (quanquam lentè) penetrari ab aqua, vel aquam posse texturam illarum alterare. Neque verò hæc solæ sunt heterogenæ substantiæ, quas huic lapidi inclusas inveni.

Si etiam succinum possem inter veros seu genuinos lapides referre, prout referuntur inter gemmas, & sæpè præter spem majoris duritiei sunt, facile inde derivarem validam confirmationem dictorum meorum; quicquam tamen sit, illustrationem certè inde peti posse video.

Nam, ut taceam varia, quæ alibi scripsi me vidisse in succino, nunc possideo elegans succinum, idemque clarum & solidum, (oblatum à viro eminentiâ raritatis non cedente succino illi) cui inclusa est ampla integra musca, figura & quantitate simillima locustæ, sed varie & curiosè colorata, alas tenens expansas.

His observationibus hoc solùm addam, quod & ipse habui, & aliis ostendi unum ex illo genere pallidorum *Amethyssorum*, quos nonnulli vocant Amethystos albos, qui politus fuerat ut annulo infingeretur, aut sigillum illi insculperetur, eratque instar gemmarum illarum aded durus, ut facilè vitrum eo secarem. nihilominus tamen in corpore hujus lapidis apparebant plurima, quæ speciem referebant pilorum; eorumque quædam parallelum obtinebant situm, alia ad alia inclinabant; cumque illa contemplatus fuissèm tam ad diei, quam ad candelæ lumen, inque diversis sitibus respectu luminis & oculi, quædam illorum tincta apparebant aeterno rubicundo colore, sed lumine reflexo, quasi vel aëre vel aqua repleta essent; sed ut plurimum videbantur, ut dixi, esse pili coloris subfusi, unde non pauci iique curiosi & periti lapidem illum admirabantur. Committo tibi judicandum, utrum hic commodum fuerit addere, quod nonnunquam suspicatus sum, in ipsi quoque *adamantibus* forsan interceptas aut commixtas puræ lapidescenti substantiæ offendi particulas heterogenæ materiæ. Et quod hæc mea suspicio fuit confirmata aliquantulum, tam per miras nubes mihi observatas in adamante haud vulgari, perque aliquas hydrostaticas, alteriusque generis observationes, quas circa lapides isto habui; (quorum aliquos comperi graviore vel crystallo, vel albo marmore,) tam per interrogationem meam; qua studio ex veterano sculptore genuinarum multo usu

& expe-

& experientia instructo quæsi, annon observasset sensibilem differentiam ponderis inter adamantes ejusdem loci : Ad hanc enim quæstionem respondit affirmando ; imprimis in nebulosis aut squalidis ; aded ut monstrando adamantem, quem judicio oculorum duobus ordinariis pis, vel æqualem, vel minorem æstimabam, assereret se aliquando in adamantibus illius magnitudinis differentiam ponderis unius ceratii circiter, quod solet granis quatuor æstimari, offendisse.

Sexto, ultimum Argumentum, quo probetur, materiam diversarum gemmarum potuisse aliquando fluidam fuisse, peti potest ex probationibus (occurrentibus in sequente Tractatus hujus parte) secundi membri hypotheseos nostræ. Si enim apparuerit, diversas eademque pellucidas gemmas sibi habere commixta metallica, vel alia extranea mineralia corpora, *perminima*, maxime rationi conveniens fuerit arbitrari, ejusmodi mixturam fuisse perfectam mixtæ corporibus existentibus fluidis ; siquidem, ut taceam rectè quæri qua alia ratione corpuscula metallica fuerint deducta in gemmas aded compacta seu solida, atque dura corpora, facili illud negotio concipi potest, hypothesei nostræ admixta ; facillimum autem comprehensu est, quomodo inter metalla & lapides, corpora toto genere diversa, compositæ fuerint mixturæ aded exquisitæ, quales nonnullæ apparent, partim per unicolorem tincturam gemmæ, partim per diaphaneitatem retentam, non obstante dispersione illa mineralium pigmentorum per integram massam, & in pluribus etiam exemplis per concinnam figuratorem, de qua paulo ante differuimus.

Post-script. Præcedentibus omnibus circumstantiis nunc addam, quod occurrit, quando proposueram cum ultima illarum concludere ; istud autem summo pere hypothesein nostram confirmat. In Tractatu exigui libri recens editi lingua Gallicana, cujus præcipuus scopus est docere modos æstimandi gemmas, secundum præcia modernorum gemmatorum, anonymus quidem, curiosus tamen author, occasione arrepta, exhibet relatu celebrium nuperorum peregrinatorum, ut ait, quibuscum variis in locis conversatus fuerat, (quorumque relationes novissimæ certè sunt, quas excusas vidi) relationem numeri, & nominum locorum, in quibus adamantes & rubini reperiuntur in *Indiis*, & additis nonnullis circumstantiis & particularibus de qualitatibus soli in illis locis, qualia alias non inveni. Hic itaque Author loquens de prima illarum trium adamantium fodinarum, quas solas statuit in *Indiis Orientalibus*, narrato lapides ibi reperiiri alios in terra, alios in petra, subjungit lapides ex petra, aut locis vicinis extractos, pulchro ut plurimum colore esse exornatos ; sed extractos ex terra participare de colore terræ, in qua reperiuntur. Aded, si terra, fuerit pura & nonnihil arenosa, adamantes eleganti prædictos esse colore, si verò fuerit pinguis aut nigra, aut alterius coloris, aliquantum tincturæ in eodem esse traductum. Statim quoque addit, * si terra fuerit distincta nigra vel subra arena, adamantem quoque instructum quodam grano. Et alibi enarrans

secundam

* *Que s'il y a quelque sable noir ou rouge parmi la terre, le diamant aussi en aura quelque.* pag. 9.

secundam fodinam adamantinum; quos incolæ gemmas vocant, Lectorem admonet, lapides cum in hac, tum in *Visapurenfi* fodina [priore nempe illa] participare de qualitate soli, in quo reperiuntur, ita ut solo existente paludoso vel humido, lapis inclinet in nigredinem, rubeo autem existente, rubrum quoque colorem imiretur. * Alibi ait, novissimis annis repertam fuisse in Regno *Golconde* copiam adamantum, eosque allatos *Nababi* vel primo ministro Regiminis, qui proterius ulteriorem illorum investigationem prohibuit, nullo illorum invento colore eleganter prædito, sed omnibus existentibus nigris aur flavis. Illud autem obiter addam, Authorem quidem ꝑ asserere tanquam rem minimè controversam, adamantes duritie & Pondere omnes lapides, quemadmodum auro gravitate & pretio alia cedunt metalla; verùm ab asserto illo me dissentire compellit experientia, ego enim hydrostaticè inuestigato pondete rudis adamantis, tali in æstimatione ejus specificæ gravitate methodo usus sum quali hætenus neminem usum comperi; quam tu etiam facile concesseris accuratiorem esse, quàm omnes alii modi esse possint.

Argumentum quod nos hætenus detinuit, amplitudine sua tantam comprehendit materiæ varietatem, & forte, ut spero, tantam pensi mei in hoc discursu partem absolvit, ut, licet non multum excusam prolixitatem meam in eo prosequendo, tamen arbitrer me cogi eandem emendare brevitate reliquæ partis hujus Tractatus, ideoque omitto prævio promisso plenius me declaraturum, diversas gemmas continere metallicas vel alias minerales substantias, quo omisso deberem statim connectere argumenta illa cum proximè dictis, verùm simul necessarium existimo ad sequentia declaranda, priùs objectionem primariam opponere, quæ urgeri queat contra doctrinam propositam.

Objectio illa petita est ex figuratone quarundam gemmarum [inprimis prismatica crystalli:] quæ eo magis videtur nobis esse opposita, quod ipsi in secundo supra producto argumento, ejus varia exempla attulimus. Vix enim possibile videtur, ut tam elegans figura adeò uniformiter producatur in tanta multitudine crystallorum, majorum & minorum, nisi facultate quadam seminali & plastica materia figuraretur tam ordinate & geometricè.

Sed qui attentius consideraverit, quod alibi dixi de figuratone salium metallicorum, aliorumque magisteriorum per salia dissolutorum, & cum salibus concoagulatorum plurimum sanè profecerit in videnda infirmitate hujus objectionis. Attamen quia confiteor eam esse admodum speciosam, & forsan gravem, placet eandem penitiùs considerare.

Ad hanc ergò plausibilem objectionem, duo, triæ mihi suppetunt, quæ regeram; Primò, nihil absurditatis involvere opinionem, qua supponimus seminalem & plasticam facultatem, siquæ est in corporibus mineralibus, tam in liquidis principiis posse locum habere, quàm alibi. Nam videmus semen animalium, quod sæpe, ut in Elephantis, Rhinocerotibus, &c. producit dura & solida ossa, dentes, & cornua, primò liquidam tantùm esse substantiam;

C & fa-

& facultatem plasticam in quibusdam arboribus , fructibusque earum convertere succum nutritium in ligna , putamina , & alia corpora solidissima & gravissima.

Secundò , alibi * ostendo in ipsis figuris aluminis , vitrioli , & aliorum salium , tam concinne & geometricè figuratis , nullam necessitatem urgere , ut confugiamus ad distinctum principium architectonicum ; sed corpora illa ipsa posse induere figuras illas , ex coalitione talium singulorum invisibilium corpusculorum , quæ per motum fluidi , cui innatabant , perque diversas circumstantias auxiliares , determinentur , ut concurrant & cohereant hoc potius , quàm alio modo. Quod hoc etiam aliis corporibus applicari queat , non alio exemplo hoc loco demonstrare opus est , quam illo à la petito , quod nempe (in hoc vel alio tractatu) autè dixi me fecisse ex sale vulgari , ope solùm olei sulphuris , vel vitrioli & aquæ. *Quaquam* enim manifestò factitium corpus est compositum ex sale & sulphure , talique corpore , in quo salis marini , (ex quo præcipuè constabat ,) natura fuerat destructa ; *tamen* propter figuram resultantium corpusculorum , eorumque aptitudinem ad concurrendum , cum dissoluta fuerint in aqua , in corpora concinnè figurata , sal hoc factitium , cum rectè præparassem , variis vicibus concurrebat in oblonga crystallà instructa apicibus instar adamantium , æmulantibus genuinam crystallum & figuræ ordinatione , & substantiæ pelluciditate. Ut autem evidentius pateat , partim figuram quam contigit resultare ex operatione olei vitrioli in sal marinum , partim alias circumstantias , determinasse figuram crystallorum ; addam , quòd communiter , quando qualitas seu proportio olei vitrioli non erat iusta , aut error commissus in quadam [magni ponderis] vel alia circumstantia operationis , salinæ concreciones , licèt non omnes concurrerent in cubos , quemadmodum sal marinum , ex quo erant confectæ , solum concurrisset ; tamen nullo modo instar crystalli petrosæ concurrebant , quomodo concurrerant salia priùs memorata ; itaque propter concinnas figuras corpusculorum ut plurimum concurrebant in crystallà concinnè figurata , licet diversæ vices diversas ederent figuras. Ne verò suspiceris figuram ordinatam , sali marino naturalem , esse ullo modo necessariam ad istiusmodifigurationes , addam experimentum , quod ego adinveni , ut ostenderem , etiam ex putrescente succo posse talia concinnè figurata corpora confici. Lapideas qualdam *Stirias* , quas alibi à io repertas in antris seu cavernis , ubi petrescentes liquores coagulantur , antequam decendant , dissolvi in spiritu æruginis : puram solutionem imposui digestivo furno , ut vulgari modo evaporaret ; quâ ratione , utut experimentum sæpius fecerim , potius coagulata massam adeptus sum , quàm quicquâ crystalli simile. Vnde discas veritatem ejus , quod dixi , concursum diversarum circumstantiarum necessarium esse ad determinationem figurationis consistentium corporum confectorum ex liquidis : quandoquidem hic , ob defectum temporis requisiti ad productionem sufficientium occulsionum , in quibus particule concreverent , ex-

perimen-

* Vide *Traictatum* de Origine Formarum & Qualitatum nunc editum ab Autore.

perimentum non succedebat : quare cùm esset conueniens notionibus meis, quædam genera corporum requirere longius tempus ad concurrendum in unum, quàm alia; plures dies impendi in alia solutione *stiræ* in eodem menstruo: qua facta concurrebant, ut desideratam, ad latera & fundum vitri, plurima distincta crystallæ oblongæ, pellucidæ & concinnè figuratæ, quorum partem plurimam, ut opinor, adhuc tibi ostendere possum. Forsan dicatur, petrescentem succum disruptum, sæpe videri abundare interius stiris, aut tenuibus stris instar striarum antimonii, & me ipsum observasse quasdam gemmas compositas esse ex tenuibus planis seu bracteis; quæ interna figuratio videatur difficilius explicari sine forma plasticæ, quàm exterior.

Ad hanc objectionem non regetam, quod, quantum sciam, salia diversa cognita, si fuerint contracta, apparerent geometricè figurata vel in minimis corpusculis, non secus ac evidenter figuratum videtur totum corpus, si instructi essemus oculis satis perspicacibus ad discernendum figuras minorum æque ac grandiorum corporum. Nec desunt nobis graves rationes arbitrandi, siue verè, siue falsò *Cartesium* statuat invisibiles particulas, ex quibus subtilissima grana salis marini sunt composita, esse oblongas & rigidas ad instar baculorum; minutas visibiles concretiones, ex quibus majuscula grana salis constant, non minus esse figuræ cubicæ, quàm grana ipsa; Nolo, inquam, huic replicæ insistere, sed progredior dicendo, esse diversa corpora ram faustè figurata ut ad lentam coalitionem concurrant in multitudinem manifestarum concretionum; quarum quædam constent ex stris, aliæ ex planis; ut in Sale Armoniacò, quod solet venum ire in officinis, (non enim loquor de nativo, quod dicitur affectri ex *Armenia*) licet sit extra controversiam corpus factitium, sæpe observes, contractis grandioribus massis, plurimas strias, similes iis quæ solent observari in contractis stiris petrificatæ aquæ. Vidi etiam aliquoties, & ipse feci artificiales concretiones, (de quarum præparatione alibi loquor) quarum aliæ constabant ex meris salibus, aliæ ex salibus & mineralibus, ut lapides vel antimonium, quæ simillimæ talco videbantur, cum essent alba corpora, composita ex multitudine subtilissimarum particularum striatarum, in longum invicem incumbentium, ut in minerali illo: Et sicut ex terra excepi aliquot concretiones, quæ ut plurimum exterius figuratæ instar Rhomborum, erant compositæ ex multitudine planarum & maximè tenuium bractearum; ita aliquando arte imitari studui ejusmodi concretiones. Etiam si verò solutio argenti in purificatâ aqua forti soleat tantùm proferre plurima exigua, tenuia, & simplicia, ut apparent, plana, instar squamarum piscium, quia homines in procuranda concretionem, cui rei nos studemus, parum operæ impendunt; attamen ego, dissoluta non contemnenda quantitate metalli, eademque permixta lentè & cum debitis circumstantiis concurrere, obtinui varia crystallæ, quæ non solum erant exterius geometricè figurata, sed & constabant ex multitudine maxime tenuium planorum ordinatè mutuò coherentium. Cumque hæc ob-
jectio adhuc in animo versaretur, investigabam adhuc prægnantiùs experimen-

rum, ad objectionis dissolutionem. Considerato enim, quomodo *vitrum flammæ*, compactum licet & ponderosum corpus, naturaliter constet ex multitudine nitentium atque politorum planorum, (quæ faciliè percipi & distingui possunt, massa ejus in tria, quatuorve frusta disrupta;) per tentamen comperi quod expectaveram, quod licet massa hujus mineralis vel in pulverem fuerit comminuta, tamen si fuerit conflatà, & per se refrigerata, dispositio componentium particularum determinaret eas in lata & nitentia plana mutuo concurrentia, quorum plurima invicem incumbere, nonnulla ex transverso alia versus inclinata varios constituerent angulos, secundum diversam materię in distinctis suis particulis refrigerationem. Quædam etiam factitia corpora similia exempla exhibere possunt, prout observavi in mixturis æris, ferri, aliorumque mineralium; & maximè perspicuè in bono *Regulo Martis stellato*: quo fracto, interna configuratio apparet; qua methodo cum delectatione observavi, *Regulum* abundare planis & nitentibus bracteis, ut plurimum pulchrè politis.

Si urgeatur in confirmationem prioris objectionis, quosdam succos lapidescentes, etiam ex numero eorum quorum in hoc discursu mentionem fecimus condescere promptè, dum spectantur; & tamen lapideas nostras *stirias*, sæpe memoratas (quas probabile etiam est propere coagulatas) nonnullis in locis, instructas esse striatas, in aliis verdè angulari configuratione partium; Respondeo primò, me vidisse diversas illius generis concrectiones, quæ, quantum videre poteram, erant compositz ex partibus confusè in unum coagmentatis. Secundo, (ut considerem nunc illas, quarum textura est magis uniformis) me per tentamina comperisse, quòd, si fuerit debita dispositio corpusculorum componentium corpora in tales configurationes, illa possint è reduci, ut convenienter condescant tempore multo breviori, quàm non expertorum quisquis expectet, multò minùs credat. Aliquando curiositatis ergò calefeci sex, septemvè uncias *aqua fortis* satiata puro argento, donec tota mixtura reduceretur in liquorem pellucidum; deinde claro quidem, sed crasso vitro in quo continebatur, imposito in aquam frigidam, ut menstruum è citius refrigeraretur, observavi, quando dissolutum metallum cœpit concurrere seu præcipitari, coagulatio in figurata crystallà adeò citata progrediebatur, ut nudus oculus progressum perciperet. Cùm etiam nonnunquam imposuisssem quantitatem salis & nivis, aut cujusdam alterius validè refrigerantis mixturæ in vitrum conveniens, & humectassem exteriora acri solutione Salis Armoniaci aut spiritus urinæ, licet ante elapsum horæ minutum mixtura esset coagulata; Sal tamen, in quod concurrebat, solebat conciuna & ordinata figura esse præditum, secundum naturam liquoris producentis, quemadmodum sæpè curiosis ostendi.

Foras dicas, exempla illa esse petita ex corporibus salinis, quæ ut plurimum apta sunt, ut concurrant in leves superficies, & figuras angulares, & in quæ facile frigus exterius operari possit; attamen mirum videri vel ipsis philosophis quod in nonnullis casibus necesse est evenisse, si nostra hypothesis admittatur,

acempe

nempe externas circumstantias & accidentia, qualia sunt figura moduli seu matricis, frigus ambiens, &c. visibiliter, nec parum aliquando, alterare ipsam quoque internam figurationem compressorum & solidorum mineralium ac gemmarum, sine exclusione omnium illorum, quæ supponuntur celerius condescere.

Vt itaque hæc difficultas tollatur, commodum duco subungere experimentum à me inventum, quo ostendam, corpuscula corporis, si ita sint figurata, ut per coalitionem apta reddantur, quæ constituent lævia, & nitida plana, utut sint variè carminata & dissoluta, respectu pristinae sui dispositionis, dummodò aliquantulum detineatur in statu fluiditatis, ut se eo commodius collocent, vel collocentur per alia agentia, statim eò reduci, ut concurrant in lævia & nitida plana; & situm planorum illorum relatione mutua, magis uniformem & regularem esse, quàm quis speret in concrezione tam propere facta; quo non obstante, internam eorum contexturam multum variari per circumstantias, speciatim per figuram vasis seu moduli, in quo fluida materia concrevit.

Considerans ergo, quod (secundùm jam dicta) contractum *vitrum stanni*, (habitum pro *Wismutho* antiquorum scriptorum de mineralibus) prout solent ejus massæ veniri in officinis, ostendat plurimas læves & nitidas bracteas, (casque vel majores, vel minores, pro varietate magnitudinis massæ;) quæ sibi invicem aliquando parallelè concurrunt, aliquando diversissimis constitutis angulis ex transverso incidant: Considerans, inquam, illud, probabile duco, corpus, aliquando jam constatum, & aptum ad concurrendum in tales bracteas, non tantum idem præstiturum post aliam fusionem, sed & alteraturum dispositionem, & magnitudinem bractearum illarum per figuram & capacitatem vasis, quod proposito meo aptum judicarem. Quamobrem bonam ejus partem in pulverem comminui, conflavimus, fudimusque in duos modulos ferreos, quorum cavitas per diametrum mensurata unum digitum lata erat, deinde obtinui globum, qui cautè contractus videbatur, ut expectaveramus, quasi compositus ex multitudine exiguorum nitidorum planorum, ita figuratorum & collocatorum, ut viderentur ordinatè magis magisque decrecere, quò longius removerentur à superficie globi; erantque ita ordinata, ut viderentur constare, ex multitudine radiorum illorum planorum quaque extensorum, ferè instar tot *radiorum* sphaeræ ex centro seu puncto medio ad circumferentiam ductorum: cùm, si vitrum stanni in crucibulo fuerit conflatum, ibique refrigeratum, materia excepta & contracta appareat certò plena lævium planorum, sed (ut supra dixi) admodum inordinatè & confuse associatorum aut collocatorum.

Nolo nunc insistere disquisitioni, an ordinata compositio planorum in nostro globo (quæ viri quidam curiosi, quibus monstrabam, contemplabantur ceu amœnum spectaculum) derivetur ex eò, quod materia primum fuerit refrigerata exterius, per contactum frigidi ferrei moduli, & viciniam ambi-

bientis aëris, & quoddam coagulatione ita semel cœpta, partes residui fluidi, cum per illam jam refrigeratam materiam transirent, motu, propter remotionem illarum ab igne, jam remisso, faciliè adhererent jam consistentibus partibus, (quod illustrari potest per concretionem dissoluti nitrî & aluminis, partim ad injectos bacillos, partim ad grana primùm concreta ad latera vasis,) & quoddam refrigeratione ad interiora continuè procedente, donec tandem ultimò perveniret ad medium globi, seu partem remotissimam ab agentibus refrigerantibus; appposito successivè & ordinatè perficeretur, donec tota materia esset concreta. Verùm (ut dixi) non mihi nunc insistendum est disquisitioni illi, utrum nempe figuratio nostri globi hoc vel alio simili modo illustrari queat: vel annon accipienda sit subtilis quædam aut omnia pervadens materia, vel aliud quoddam agens catholicum? Nam licet quæstiones illæ dignæ sint quæ ventilentur, & forsan alibi de iis aliquid dicturi simus; hic tamen sufficiat dicere, nos variasse præcedentia tentamina formando globos ex aliis quibusdam corporibus, (speciatim ex simplici *regulo antimonii*) in quibus res satis bene successit, utrum producta contextura non esset ita uniformis, ut in *vitro flammis*. Aliud quoque experimentum institui, redigendo ipsum sulphur in corpus globosum, cujus diameter erat circiter quinque vel sex digitorum, & cautè confringendo, licet videretur minerale ineptum ad concretionem ordinatam, quod nihilominus obtulit magnas fibras fermè similes exiguis straminibus: quarum numerus & (maximam partem) ordinatus situs me instruxit exemplo ad hoc propositum minùs inepto, quàm quis expectasset. Sed quod dixi, utile fuerit demonstrando quod ipse mihi proposui: illud verò cum jam dixerim nunc repetere non est necesse.

Vnum tamen adhuc reliquum est, quod videtur huc facere, nempe, quod fregi aliquas marcasitæ peculiaris generis, quæ vel quodammodò rotundæ, vel fermè cylindricæ figuræ erant, ut observarem illarum structuram internam & qualitates; quo facto reperi in pluribus (non enim memini reperisse in omnibus) ingentem numerum radiorum exiguorum planorum, vel nitidorum corpusculorum, extensorum ab intimis partibus ad superficiem externam, & in illis qui exterius erant cylindrica ferme figura, ordines illi particularum aureo colore tinctarum in diversis planis contraçtû mineralis, videbantur instar semidiameterum seu radiorum exire ex radio Physicorum punctorum, quæ concipiuntur quasi fuerint collocata in linea imaginaria, sita fere instar *axi cylindri* inter extremitates oppositas, (quanquam non recorder, quam propè eas pertigerit,) quasi cavitates cretæ vel argillæ, in quibus hæ marcasitæ reperiuntur: solummodi instar formassent, in quo materia marcasitæ detenta, quoad erat in forma fluidâ, postea concreveret eodem modo, quo in nostris modulis concreverant globi *vitri flammis, reguli &c.* Verùm prosecutio hujus conjecturæ ad aliud pertinet discursum.

Quare nunc aliam responsionem ad ante propositam objectionem aggredior: Quod itaque concernit exquisitam uniformitatem figuræ, quæ maximè admi-

admiranda est in gemmis, & creditur demonstrare illarum formationem per seminale & geometrizans principium; utut in secundo argumento supra prolato, illis adscripserim ejusmodi concinnas figuras, quæ arguant illorum generationem perfectam modo in hypothesis proposito; & licet etiam libenter concedam figuras illarum nos trahere in jucundam admirationem curiositatis, qua natura [vel potius naturæ author] operatur; tamen illis penitus & attentius perspectis, reperio uniformitatem illam longè minorem esse, quàm soleat concipi; quin potius offendi tantas diversitates, quæ non pugnant contra hypothesis nostram de illarum figuracione.

In diversis gemmis perlucidis satis manifeste mihi apparebat, [ut & paulò ante notavi] figuram, maximam partem, deberi figuræ matricis, aut moduli, in quo materia, dum liquida aut mollis esset, subsideret. In aliis quibusdam perlucidis & benè figuratis gemmis ejusdem generis aut denominationis, & quandoque proxime invicem crescentibus, habita diligenti inquisitione reperi manifestam & nonnunquam grandem differentiam in illarum figuris, vel ratione numeri, vel figurarum, vel magnitudinis hedrarum seu planorum componentium respectivè gemmas, vel ratione duorum, vel omnium simil; comparans hæc diversa particularia cum iis, quæ essent in lapide illius generis aut nominis perfectè figurato. Hoc observavi specialiter in lapidibus duorum generum, quorum primi erant *granati*, quorum aliquam multos habui mihi allatos ex *America*, crescentes in una massa materiæ; sed in distinctis ejus partibus, sine mutuo contactu; in quibus observavi manifestam diversitatem figuræ, nec non in aliquibus *Africanis* mihi oblatis, & in aliis *Europæis*, quorum unum insolitæ magnitudinis, ratione aliarum figurarum gemmarum generis pellucidi (pondere enim superabat undecim & dimidiam drachmas,) consideravi magna attentione, & comperi illum, etiamsi videretur fuisse coagulatus in fluido medio, & constare ex duodecim planis, ad quorum duorum, triumve concursum videbatur fuisse abruptus à matrice vel radice; plurimum tamen differre à *dodecahedro* geometrico: Nam, cum hoc constet ex duodecim æquilateris & æquiangulis *pentagonis*, plana tamen omnia fere componentia nostrum granatum, erant quadrilatera, & multum differentia à regularibus, non tantum magnitudine, sed & figura: unum enim illorum videbatur constare ex quinque lateribus, & reliquorum alia erant plurimum cognata *rhombis*, alia *rhomboidibus*; sed plurima erant parum ordinatius figurata, quàm geometricarum dicta *trapezia*. Et hæc dicta sint de primo genere gemmarum, quarum figuras comperi non esse ordinatas. Alterum genus gemmarum constat ex illis lapidibus crystallinis, quos vocant *adamantes Cornubienses*, & quorum nonnulli duriores sunt vel ipsis *adamantibus Bristolensibus*, aut forsitan ipsa *crystallo petrosa*: eam facillè crenas incidat in vitro. Horum lapidum haud contemnendam copiam mihi comparavi, (quorum plurimos adhuc habeo,) & observavi, comparando illos cautè cum invicem, quod licet quidam eorum essent geometricæ & curiosè figurati instar crystalli petrosæ, constantes singuli ex senis lateribus, quorum

quorum bina opposita erant penitus similia & satis æqualia invicem; & licet lapidis excurreret in pyramidem compositam ex diversis similibus & concinnè figuratis planis, terminatis in solido angulo seu apice; tamen plurimi personatorum illorum adamantium erant compositi ex lapidibus, exactitudine & uniformitate figuræ summopere diversis ab istis autè memoratis. Nam quanquam illorum plurimi habebant sex plana; tamen sæpe opposita (præterquam quod non essent ita mutuo parallela, ut esse debuerant) erant dissimilia & admodum inæqualia; illa verò plana, quæ in *apicem* concurrebant, licet seorsim accepta essent vulgariter angularia, comparata tamen cum invicem, aut cum regularibus exemplaribus supra memoratis, & figuræ, & magnitudines, & modus concurrendi illorum, (qui aliquando non in punctum seu *apicem*, sed in lineam perficiebatur) tantum aberant ab uniformitate, ut eorum magna diversitas & irregularitas potius accederet nostræ hypothese, quàm illius æmulæ. Attamen in his lapidibus non poterat probabiliter prætendi defectus spatii ad liberam coagulationem requisiti; videbantur enim seorsim formati in fluido ambiente, præterquam in fundo, quo fuerant affixi rupi, ut apparebat per opacam radicem, ut ita vocare liceat, quæ earum plurimis adhuc adhærebat. Et, nisi me memoria admodum fallit, sæpius in adamantibus recens advectis ex *Indiis*, iisque quibusdam pulcherrimis, observavi maximum defectum uniformitatis in *arëis* superficialium planorum, vel in illorum figuris, vel in utrisque; & nonnunquam quoque in ipso numero ac situ solidorum angulorum: in quam rem spero me edicturum quasdam notas. Ita etiam absolvi *primam* partem responsionis meæ ad memoratam objectionem, unde appareat, non esse ad eò ordinariam & perpetuam uniformitatem figurarum gemmarum, quia illarum realis similitudo cum nostra hypothese conciliari queat.

Nunc verò in *secundâ* parte responsionis meæ, conabor ostendere, figurationem gemmarum non tantum *non adversari* nostris conjecturis, sed & *confirmare* eandem. Nam sæpius observavi in adamantibus *Cornubiensibus* memoratis, exiguum lapidem; ejusdem generis composuisse quasi unum corpus cum majoræ sita ut minor lapis non tantum alteri arcè adhæreret, sed & insertus, ut ita dicam, esset. Sic separatione facta, remanebat in majore lapide cavitatis, cujus figura concinnè respondebat figuræ illius minoris lapidis, qui ibi conditus fuerat. Et, ut nonnunquam observavi, esse talem adnascentiam (liceat hac voce uti) minoris lapidis ad multo majorem; ita aliis vicibus offendi similem accrescentiam majoris, ad multò minorem, cum cavitare in minore conveniente parti isti majoris, quæ in eâ fuerat condita. Quæ res, quantum ego video, nobis offert summam probabilitatem conjectandi, lapidem, cui alter accreverat, primò fuisse formatum & duratum, cum servavit propriam figuram, & quoad hoc remansit adhærens rupi vel solo, plus liquoris, quod vel postea casu incidit in eandem cavitatem, vel [si jam antè ibi fuit,] erat minùs dispositum ad properam concretionem, cœpisse coagulari, semetipsum agglutinando solido corpori jam ante concreto: quamobrem duos illos adnates debere

arctè invicem adhærere, & tamen esse tantùm contiguos, & cavitatem, qualem modò dixi, debere relinqui in ultimò concreta gemma. Quod illustrari potest imponendo acri solutioni puti nitri, vel aluminis petrosi, exiguos bacillos ligneos, vel ex quocunq̃ue solido corpore, qui immoti servant eundem situm; ita enim videbis coagulationes in illis concurrere, & crystallos ita concretas necesse est præditas esse figuris imperfectis, & continere cavitates convenientes illis partibus bacilli, quibus semet agglutinarunt corpuscula salina. Huic duntaxat addam licet exhibuerim exempla adnascenz figuratorum lapidum tantùm in adamantibus *Cornubiensibus*, ramen illos inter mineralia pellucida non esse solos, in quibus idem mihi observare licuit. Et speciatim memini me observasse inter quædam mineralia, quæ *aursifer* viduæ suæ reliquerat, comptum pellucidum ac eleganter figuratum lapidem, qui videbatur puta crystallus, erat autem coagulatus circa ramosum filum, cujus non minima pars erat lapidi inclusa; ille videbatur exrescere ex minera, simili minere argenti, & formâ curiosâ, cùm strictè in rem illam inquirerem, asserere, illum una cum memorato ramo esse bonum argentum, à natura in illam formam redactum, [quod mihi eo credibilis visum ob miram & ferè pilotum similem figuram, quâ vidi mineram argenti quasi crevisse;] hoc autem maximopere congruit similitudini, quam modò proposui inter coagulationem dissolutorum salium & liquidæ materiæ gemmarum, circa corpora consistentia parte quadam fluidis illis immersa.

Ipsæ plurimæ circumstantiæ concernentes primum nostrum argumentum, & hæcenus soluta objectio, nos tamdiu detinere, ut nullus dubitem, quin arbitreris nunc tandem progrediendum esse ulterius, & tractandam etiam secundam illam gravem considerationem, quâ principio hypothesin nostram niti dixi; illa autem accepta est ex pondere quarundam gemmarum, quod cum sit majus, quàm duris & pellucidis lapidibus conveniat, puto illud probabiliter derivari ex mixturis metallicis vel mineralibus.

Ego non contendo, verùm tu forsan novitate argumenti ductus litem mihi moveas, quâ ratione cognoscam veritatem rei propositæ; quando gemmæ à gemmariis æstimantur ratione ponderis tot cerationum vel granorum comparando tantum mutuò lapides ejusdem speciei numero diversos, prout quantitas ponderis arguit quantitatem corporis, neglecta vel ignorata methodo cognoscendi gemmarum diversarum gravitatem *specificam*, quæ certè nulla ratione dependet à quantitate corporis; uti [nisi jam nosti] colligere poteris ex jam dicendis.

Mecum itaque perpendens, ad propositum meum requiri gemmam, quantum possibile est, liberam à mixturis metallicis, quales in pluribus lapidibus pretiosis adesse suspicabar; & animo revolvens, crystallum petrosam à mineralistis inter gemmas relatum, satis duram esse, ut expertus eram, ad secundum vitrum, & ex collisione producendum ignem, nec non insignem ejus pelluciditatem, ac carentiam coloris, summè probabilem præbere rationem arbi-

trandi illam destitutam esse mixturis adventitiis; illa nitebar tanquam fundamento, quo *probabiliter* æstimarem pondus gemmarum; & hydrostaticè, teneraque bilance examinato ejus pondere primò in aëre, deinde in aqua, comperi pondus ejus ad pondus aquæ æqualis quantitatis eandem habere rationem, quam *duo* & fere *dua tertia* ad unitatem: unde obiter animadverto, quàm leviter & sine ratione multi viri literati cum antiqui, tum recentiores, statuunt crystallum non esse nisi glaciem extraordinariè duratam diuturno & vehementi gelu; cum tamen quantitas glaciæ sit levior æquali quantitatæ aquæ, (illique propterea superna-ter,) cumque (ut addam aliam objectionem) *Madagascar*, & aliz Regiones zonæ torridæ abundant crystallo.

Hoc modo comperta gravitate crystalli, comparatione aquæ, quando mihi offerebatur gemma colorata, cujus specificam gravitatem conjiciebam sensibilibiter majorem esse, nonnunquam ipse mihi molestiam illam creabam (est enim profectò molestia) examinandi pondus ejus in aëre, & aqua, quo experiret, utrum rectè divinasset. Cum verò ejus specifica gravitas multum excederet gravitatem crystalli, illud mihi probabili argumento esse duxi, adesse quædam corpuscula metallica vel mineralia commixta corpusculis lapideis gemmarum, & forsitan inde tincturam suam derivare.

Non dicam me tunc reperisse plures species lapidum pellucidorum *multò graviores* crystallo: nam, præterquam quòd tentamina illius rei admodum essent inolesta, incidi fortè in illas, ubi non erat mihi *copia* & *varietas* gemmarum examinandarum. Vnum tamen exemplum ex eorum numero, qui tum occurrerunt, hic expromam, quod cum sit magni ponderis, sufficiat ad demonstrandum, opinionem meam de adventitiis & consequenter ingrediente gemmarum gravitate, quoad *aliquas* minimum gemmas, esse satis probabilem. Habui etiam *granatos Americanos*, quos gravi & peculiari ratione inductus credebam olim fuisse corpora liquida, & propterea existimavi eos tanto digniores examine; cumque color illorum adeò esset lentus, ut fere opaci essent, & ope manus judicarem illos ponderosiores crystallis ejusdem quantitatis, examinavi pondus eorum trutinæ accuratissima in aëre & aqua, & comperi expectationi meæ respondere eventum, illos videlicet quater fere ponderosiores esse aqua ejusdem quantitatis, & consequenter tertia circiter parte crystallos ejusdem magnitudinis seu quantitatis superare pondere.

Vnde tanta accessio gravitatis proveniret dicam, ubi pervenero ad proximum argumentum; quod antequam exordiar, hoc unicum monendum duco, quòd, licet gemmæ coloratæ excessu suæ gravitatis supra crystallum, probabili argumento prodant, sibi inesse minerale quoddam pigmentum, aliamve mineralem substantiam commixtam; tamen si gemmæ tales pondere non superaverint crystallum, non protinus exinde sequatur, illarum colorem non posse originem suam debere tincturæ minerali; cum non sit rationi adversum sentire, mineralem substantiam adesse in liquore, (lapidescenti nempe succo) ex quo

quo gemmas fieri supponimus, etiam quando non addit sensibile pondus corpori recipienti; siquidem observavi (rem miram) mineralem aquam, quæ sapore, effectibus & colore quo tingeret, apparebat abundanter imprægnata ferro, attamen curiosè à me hydrostaticè examinata, apparebat patum admodum (nisi forte nihil omnino) sensibiliter gravior aqua communi.

Tertium nunc idemque ultimum argumentum aggredior, inde acceptum, quod ex diversis lapidibus mineralibus, & ex ipsis gemmis quibusdam puris, realia & corpora metalla, aliæve minerales substantiæ possint extrahi.

De hoc argumento nunc minus disseram, eo quod ulterior ejus prosecutio magis accommoda sit secundæ parti hujus discursus, ubi tenebor illud tractare ratione opacarum gemmarum, in quibus valor ejus magis elucescet. Et propterea velim ut memineris, cum pervenero ad partem illam subsequenti discursus, iterum particularium, quæ vires addant recens proposito argumento; Quicunque verò objecerit corpora, de quibus ibi agitur, esse lapides opacos non gemmas, hæc recipiat responsa.

Primo, complures lapides, quos pretiosis accensemus, sunt etiam opaci; ut *lapis turcinus, onyx, sardonix*, &c. ut raceam *oculos felinos, opalos*, &c. qui sunt quasi semiopaci. Præterea non levis mihi est dubitatio, utrum diaphaneitas sit absolute necessaria ad essentiam illorum lapidum pretiosorum, quibus solet adesse, quanquam ad pulchritudinem requiri fateor. Possim quoque hic per discursum probabile reddere, diaphaneitatem & opacitatem sæpe tantum dependere ex modo dispersionis pigmentorum per materiam lapideam gemmæ, & ex conveniente vel inconveniente situ pororum respectu radiorum luminis. Sed omisso hoc argumento theoretico, potius observare libet, varios lapides pretiosos, ipsosque adamantes aliquando nubeculis esse deformatos, quæ eosdem in illis partibus reddunt ut plurimum (nisi forte omnino) opacos, nec illos propterea desinere esse veros adamantes, vel gemmas alicujus generis, ad quod pertinere eos arguir durities, color, &c. Er ut silentio præteream *carnalia, achatas*, & alios quosdam lapides, quos observamus (prout acciderit tinctiæ corpuscula debita vel nimia proportionem commiserit materiæ petrescenti, idque vel uniformiter, vel incongruè) modò occurrere pellucidos, modò semidiaphanos; vidi *sardonychum* ipsum in annulo pellucidum, qui tamen gemma est, à qua diaphaneitas plurimum abhorrere videatur. Quod verò attinet ad *granatos*, nosti utrumquæ genus illorum esse pellucidos: ego tamen habui aliquando figuratos, qui videbantur omnino opaci: & adhuc habeo alios ex diversis regionibus, (quorum unus in paucis est insolitæ magnitudinis & geometricè figuratus) qui alicubi sunt pellucidi, sed reliqua massa corporum illorum minimum opaca apparet, ut lapides vulgares.

Porrò addo, me parum dubitare, quin experimenta non abludentia ab infra memorandis, quæ instrui ad obtinendum minerales aut metallicas substantias ex magnetibus, nativa cinnabari, hæmatitis, &c. succederent in pluribus aliis gemmis ponderosioribus, nisi natura vitrea, vel summa compactio plurimarum,

mineralibus corpusculis in lapideis & insolubilibus partibus conclusis, ad *communia* nostra *menstrua* aditum obstruit. Quando etiam metallicum & minerale ingrediens est valde abundans, & tinctura lapidearum partium non ita arcta, non dubito, quin & ex pellucidis gemmis adventitium ingrediens tandem aliquando, minimum ex parte, possit dissolvi. Ut verò tibi hac in re satisfias, scire te velim, me, cum ex gravitate granatorum speciei proxime memoratæ inductus concluderem illos nonnihil imprægnatos esse re metallica, & ob eandem rationem commodum ducerem experiri utrum ab iis possem separare rem metallicam, aut alio modo in illis detegere, nonnullos detinuisse (mediate crucibulo) tempore justo in igni, & comperisse colorem illorum immutatum in talem, qui non absimilis est colori ferri frigidi; sic illos redegi in pulvetem subtilissimum, & digessi in illis acida quædam *menstrua*, & speciatim rectificatum spiritum salis, cum verò præbebant divitem tincturam: quo experimento animatus spem conceperam, illos sine prævia combustione, in *aqua regis* exhibituros tincturam, & convenienter obtinui ex rudibus granatis (tantum reductis in minutissimum pulvetem) divitem solutionem, quæ utut colore nonnihil æmuleretur solutionem auri; tamen partim ex colore calcinatorum granatorum, partim ex sapore illius solutionis, judicabam, aliud potius ab auro metallum esse minerale prædominans; deinde parte *menstrui* illius lentè evaporata, obtinui ex residuo quædam crystallæ, quorum figuram ob parvitatem & inordinatam coagulationem non poteram determinare; tandem apice digiti auricularis tetigi incoagulatam portionem liquoris, hæc pars guttæ imposita plurimis guttis infusionis gallarum, extemplo illas vertebat in substantiam coloris aterrimæ, & forsitan atramento atrioris, prout tumet cum stupore, ut arbitror, observasses.

Hoc autem tentamen institui examinandarum conjecturarum gratia, quibus suspicabar, minerale unum, (non enim erat fortassis solum vel unicum) quod contulerat ad constitutionem illorum granatorum, esse naturæ Martialis, quod si esset, arbitrabar granatos, instar aliorum corporum participantium de ferro, cum gallis colorem atrum producturos. Tentamen etiam institui in rubris & pellucidis lapillis, quos aliqui arbitrabantur esse *granatos*; alii probabilius *rubinos*, qui minutissimè calcinati in appropriato *menstruo* (extraordinarie acri) edebant colorem similem colori dissolvi auri. Quod verò essent partes quædam gemmæ realiter in *menstruo* dissolutæ, patet non tantum ex dicto colore, sed & ex his duabus indicationibus: quarum prima est, quod imposita pars hujus liquoris in partem ejusdem solutionis gallarum, de qua modo sermo erat, producebat sanè ipso initio colorem obscurum, sed neutiquam adeò atrum, ut erat color granatorum, & in momento demittebat copiosum præcipitatum ferè album: Altera quod ex illo præcipitare poteram, per spiritum urinosum, rubeam substantiam, quæ siccata in aëre, videbatur concrefcere in corpora, figura non multum absimilia musco, & passim sparsis fungis, pulchreque colorata. Et ex quibusdam *granatis*, ex parte opacis, & ex alia

alia parte pellucidis, obtinui solutionem, unde abstracto liquore superfluo, residuum lente coloratum, in frigore edebat certas concretioncs salinas, quæ tamen non erant satis amplæ, ut figuræ earum definiti potuerint.

Hac occasione non abs re fuerit intrinicare, forsitan alia pellucida mineralia repperitum iri, quæ possint affici *menstruis* appropriatis, dummodo homines sat essent curiosi faciendorum tentaminum. Non enim arbitror, quamcunque secundum apparentiam vitream contexturam mineralis ineptum reddere illud ad operationem menstrui: Licet enim clari *fluores*, (*spars* Anglicè) qui in plurimis Occidentalibus plumbifodinis *Anglia* reperiuntur proximè venas metallicas, sint minimùm semipellucidi, & intantum, consent contextura vitrea, ut soleant diffingi in leves & nitidas *superficies*, & similes videantur *talco*, nec non maximam partem compositi sint ex geometricè figuratis corporibus, similibus *rhombis* vel *rhomboidibus*, & mox in ea reduci possint; aliis tamen tentaminibus, quæ in his *fluoribus* (*spars* Anglicè) institui, mihi suspitionem moventibus, reipsa non esse *talcum*, sed corpus multò apertioris texturæ, comperi me illos posse dissolvere in diversis liquoribus, speciatim in bono spiritu salis, qui ex templo in illis operationem suam exercet, adhuc existentibus massis, idque sine auxilio caloris; quæ observatio forte animaverit tuam curiositatem.

Quod autem dixi de utilitate *menstruorum*, nolo existimes illa sola esse instrumenta, per quæ res metallicæ possint obrineri ex quibusdam gemmis: In alio enim meo tractatu, [ad quem ejusmodi tentamina magis propriè spectant] invenies relationem talium conaminum per fusiones & appropriata additamenta. Et quomodocunque talia tentamina tibi succedant, qui collimas ad *separationem* metallici vel mineralis corporis determinatæ *speciei* ex gemma, facilem possum docere methodum, quæ ego [ope fusionis] non semel *manifestavi* in generali, esse posse substantias, participantes de natura metallicæ, in quibusdam generibus ipsarum gemmarum pellucidarum. Et partim eodem, partim aliis modis, ponui satis probabiliter determinare, in quibusdam casibus, mineralem substantiam in iis prædominari.

Hic vero, antequam suam priorem partem speciminis mei, forsitan, ut arbitror, illustretur *hypothesis* nostra, succincta relatione experimènti, quod meminì me aliquando cum in finem fecisse. Erat autem tale: reduxi in pulverem quasdam ex *stirris* illis sæpe memoratis aquæ petrificæ, quæ sponte: deinde animo revolvi, me comperisse *spiritum aruginis*, (quem conficio sine tardiosis præparationibus, à *Basilio* aliisque præscriptis, nuda distillatione per se, seu sine additamento, bonæ gallicanæ *aruginis*, & rectificatione obtenti liquoris,) me, inquam, comperisse hoc *menstruum* non tantum (ut alibi observavi) esse egregium dissolvens plurimorum corporum, sed & distillari posse ex pluribus illorum, sic ut multo minus relinquatur, quàm alia solventia salina soleant relinquere: Hoc, inquam, considerato, dissolvi lapideas *stirias*, in hoc liquore, & parte ejus evaporata, residuoque collocato in locum frigidum, obtinui, prout expectaram, copiam exiguorum, sed concinne figuratorum & pellucidorum

crystallorum, quæ concurrebant ferme in modum crystallorum purioris generis nitri. Porro cuidam parti lapideæ solutionis commiscui, iusta proportionem, serenè coloratam solutionem cupri, etiam in spiritu *argenis* confectam; hæcque ambæ solutiones confectæ in eodem menstruo, & satis cautè commixtæ, non præcipitabant se mutuo, sed prævia evaporatione superflui humoris mihi exhibebant inter diversa crystalli pellucida & colore casta, quædam admodum exornata viridi-cærulea tinctura dissoluti metalli. Nunc verò tibi neque exhibere relationem plenariam omnium tentaminum, quæ hoc modo parùm mutato feci, ad imitationem naturæ in associandis lapideis & metallicis substantiis ad corpora pellucida: quandoquidem nec ad manus mihi sunt notæ, quas de illis experimentis conscripsi, nec commodum duco priorem hanc partem discursus mei prolixiorē reddere, quam jam esse video.

SECTIO II.

Continens CONIECTVRAM de CAUSIS
VIRTVTVM GEMMARVM.

Quæ proposui in priore parte discursus mei, me succinctiorem in posteriore postulant, Quare nunc progrediar ad alias illas considerationes, quæ jam dictis conjunctæ sufficiant, ut spero, arcendæ à conjectura nostra de causa virtutum gemmarum speciei absurdæ.

Esto autem prima Observatio: Non tantum terræ inesse magnum numerum & varietatem mineralium jam cognitorum per nomina specialia; sed & probabile esse in terra existere plurima alia nobis necdum cognita.

Prior pars hujus propositionis non erit dubia considerantibus, quanta multitudo mineralium metallicarum, marcasitarum diversorum generum, ammonii, virti stanni (*Anglicè* *tinnglass* vel *tinnd-glass*;) fluorum, talci variorum generum, * , sulphuris, salium, bituminis, &c. memoriæ prodita sit partim in libris Chymicorum, aliorumque Mineralistarum, partim à collectionibus *Musæorum* & aliarumque collectionum raritatum naturalium; adeo ut unici tantum generis fossilium, diligentia quorundam recentiorum scriptorum, species supra ducentas, & infra ducentas quinquaginta enumeraverit; præter lapides animalium, cujus generis sunt *lapis bezoar*, *lapis manai*, *oculus cancri*, *lapis porcinus*, &c.

Quod autem attinet ad posteriorem partem propositionis vel observationis nostræ, eam vix negaveris, si mecum res duas sequentes consideraveris.

Prima

Interpretis Admonitio.

* *Hic Author addit Spars, vocem Anglicam, distinguens eam à fluoribus, cum tamen D. Marretie in Pinaco rarum naturalium Britannicarum Spars significant fluorcs.*

Prima est, parva & nullius momenti proportio perpendicularis profunditatis, quâ generaliter fodinae gaudent, ad semidiаметrum terræ superantem 3500. milliaria Anglicana; adeo ut, licet globus terrestris aliquoties centenis myriadibus hominum frequentior esset, quorum singuli ubique fodinis fodiendis incumberent, & consequenter myriadibus multis hominum curiosorum, industriorum & laboriosorum orbis terrarum refectior esset, eorum ligones & bipalia exceptis paucis hinc inde locis, tam parum in interiora terræ penetrarent, ut vasta multitudo fossilium, altius in ejus visceribus sitorum, maneret abscondita.

Huic verò primæ observationi addam secundam, nempe, quantum ego observavi, unamquamque ferè regionem ferre mineralia sibi propria diversa ab iis, quæ in aliis regionibus reperiuntur. Et non dubito, quin in specialibus regionibus, ut in Comitatus quibusdam *Angliæ*, curiosus & attentus oculus queat observare diversa, quæ ipsis incolis sint incognita, inprimis si bonæ terebræ diligenter & perite adhiberentur ad terebrandum solum, & producenda simplicia diversorum fossilium in eo recondita. Verum cum alibi hac de re disseruerim, hic tantum sufficiat generaliter dixisse, in quibusdam locis *Angliæ*, ubi majore opportunitate, quam alibi, fruebar exercendi curiositatem meam circa mineralia, me offendisse in parvi loci ambitu, præter spem majorem varietatem, & multa illorum haud descripta, quantum sciam, ab ullo Authore; cujus generis accepi diversa alia ex variis locis cum veteris, tum novi orbis.

Proximo loco considero, naturam instruxisse terram *menstruis*, aliisque liquoribus variorum generum, iisque indidisse diversas qualitates. Hoc jam intimavi in discursu de subterraneis menstruis, quod ideo te remittam, hoc loco tantum annotando, quodd, aqua licet copiosè in locis subterraneis occurrente, & ut plurimum copiosissimè in fodinis, cujus ope variè imprægnari possint, hic ipse liquor, inprimis ita alteratus, in quibusdam casibus possit fungi munere non contemnendi *menstrui*, & quibusdam occasionibus alio modo concurrere ad productionem corporum mineralium.

Porro observo, liquores subterraneos, hac vel illa ratione, (nunc enim cum non opus est determinare) esse præditos virtute operandi, seu ut menstrua corrosiva, seu ut alia solventia, in pluribus terris medicatis, vel aliis mineralibus in subterraneis existentibus: quæ mineralia, cum nunquam igni nostro fuerint exposita, texturam habent apertiore, suasque partes subtiliores, quam quæ conflata fuerunt violentia caloris nostrorum furnorum.

Et quod ipsa aqua communis sufficiat dissolvendo, & semet imprægnando tam salinis, quam metallicis quandoque partibus, quam cursu suo offendit, satis elucescit ex diversis saporibus, aliisque qualitatibus liquorum, qui omnes titulo communis aquæ æstimantur, quorum quidam aptiores, quidam ineptiores compariuntur, ad cerevisiam coquendam, nonnulli ad lintea lavanda, alii ad tingendum colore coccino, vel aliis cæcis coloribus, quædam ad temperandum chalybem, & alios usus.

Verùm

Verum eminentiora dubio præcelsa exempla nobis exhibentur ex fontibus mineralibus, sive *thermis*, sive *acidulis*, quemadmodum Authores distinguunt actu calidos, (ut *Bathonienses*,) & salinos, ut plurimum acidulos (ut *Tunbrigenses* & *Spadanos in agro Eboracensi*,) quorum amborum generum complura sunt enumerata à Phycis & Geographis; & plura detegerentur, nisi homines vel peritias vel diligentia essent destituti. Hic autem velim observare, licet aqua communis promptissime dissolvat salia magis propriè ita dicta, quamquam non omnino pura, quæ offendit in visceribus terræ, prout videmus evenire in illis fontibus salinis, qui non derivantur ex mari tamen plura alia esse subterranea corpora, quæ cum abundent particulis salinis, dissolvantur in aqua, etiamsi sint naturæ compositæ, & contineant diversissimas substantias; prout patet ex illis aquis *Hungariae*, aliarumque Regionum, quæ evaporato superfluo humore proferunt vitriolum, minerale non tantum compositum, sed & decompositum, cum contineat salinam, sulphuream, metallicam & terream partes, (cui simile nullum reperi inter corpora simplicissima;) quæ singulæ possunt distinctè exponi.

Tandem considero, succo seu spiritu petrifico proportionem sufficiente commixto imprægnatis illis aquis, ita ut illas coagulent, cumque illis concoagulentur, ex coalitione illorum resultare lapides pretiosos, quas dicimus gemmas pellucidas. Certum enim est, corpora, quæ aliquandiu ante fuerant in forma aquarum, posse coagulati in lapideas *stirius*, de quarum odorifera virtute & reducibilitate in calcem, jam exhibui relationem in discursibus meis de succis lapidescentibus, quos jubeas, si velis, tibi ostendi. Quod etiam ipsi adamantes, gemmæ durissimæ, fuerint aliquando corpora fluida, prior, ut opinor, discussus pars evicit.

Quibus nunc addam, me curasse mihi afferti ex quodam loco *Angliae*, quod non poteram admitti, quædam corpora petrificata, in quibus comperi succum seu spiritum petrificum, abundantem in terra istius generis, ita esse penetrantem, ita operativum, ut vegetabiles quasdam substantias ibi repertas in pristina sua figura, & quantum percipere poteram, magnitudine, redderet satis duras, ad incidendum crenas in vitro & ferro. Et inter has raritates (nisi valde fallor) etuebam pellucidum (modicè) corpus (quod adhuc opinor me habere) quod ex figura, aliisque circumstantiis judicabam fuisse gummi pellucidum, pertinens ad partem quandam ligni petrificati, quod mihi allatum fuerat, eratque duratum in tantum usque duricie gradum, ut crenas vitro incidere.

Iam ut hæc applicem nostræ materiæ, arbitror quasdam (minimum) virtutes reales diversarum gemmarum inde derivari posse, quod petrescens substantia, quoad gemmæ fuerant in forma fluida, [vel minimum nondum durata] commixta fuerit cuidam minerali solutioni vel tincturæ, aut alii liquori imprægnato, & quod hæc fuerint postea concoagulata, vel unita & durata, in unam gemmam, e. g. adamantem, sapphirum, granatum, onycha, hæmariten, &c.

Et

Et sicut diversæ virtutes gemmarum generaliter deduci possunt ex commixtura illorum mineralium corpusculorum; ita gradus eminentiores illarum virtutum, proprietatumque speciales varietates, ascribi possunt peculiari naturæ imprægnantium liquorum, diversitati illorum, & majori vel minori quantitati seu proportioni, qua fuerit commixta corpuscula mineralia succo petrescenti.

Hæc *conjectura* [non enim pro alia re vendito] ita succinctè & summariè propolita, ut *probabilior* fiat, non abs re fuerit in memoriam revocare argumenta quibus jam ostendimus, tam gemmas fuisse quondam corpora fluida vel mollia, quam plures illarum non esse simplices concretiones petrescentis liquoris, sed consistere etiam ex aliis mineralibus corpusculis adventitiis; quod *partim* appareat per separabilitatem talium substantiarum à quibusdam gemmis, [prout exemplis declaravimus in granatis] *partim* per specificam gravitatem aliarum, *partim* denique per diversas tincturas [quatum una minimum possit credi adventitia] occurrentes in gemmis ejusdem speciei, ut rubinis, sapphiris, granatis, & ipsis [durissimis, quantum scimus, lapidibus] adamantibus; quorum nonnullos [ut supra dixi] vidi non leviter flavos, alios alio tinctos colore, sed minùs vivido, alios viridi, instar smaragdorum fere.

Cum jam in gemmis possint esse, & in quibusdam copiosè, ejusmodi corpuscula adventitia; *cumque* præsto sit ratio arbitrandi, qualem esse donatas diversis proprietatibus & virtutibus medicinalibus; *cum* etiam magna sit inter illas particulas imprægnantes differentia, & ut probabile est majoris inter se varietatis, quam nobis perspectum sit; *cum* denique diversæ gemmæ non perfunctoriè seu parcè, sed copiosè imprægnatæ sint corpusculis illis adventitiis, non video rationem sufficientem, cur quædam virtutes gemmarum diversarum non æstimentur potiùs inde procedere, quam ex intelligibilibus & precariis istis *formis substantialibus*, ad quas referri vulgò solent.

Quia verò non desunt difficultates, quas objectiones aliorum, aut meæ considerationes suggerunt contra *hypothesin* meam; de quibus quidem fusè differere nec vacat, nec necessarium arbitror; tamen ut viam ad ea, quæ postea dicturus sum, à scrupulis liberem, pauca quædam (quanquam succinctè tantum possum) ad singula regeram, quæ forsàn sufficienter responsa videantur; speciatim postquam declaravero, prout nunc declaro, me loqui de veris medicinalibusque virtutibus, pertinentibus ad gemmas: tantùm autem abesse, ut prætendam me explicaturum magis istas, aliasque insulas proprietates, quas vel manifestè fabulosi, vel alii creduli authotes non dubitarunt exponere, ut nulla potiùs ratione iis meum præbeam assensum.

His præmissis, consideremus ipsas primarias difficultates; inter quas non dubium est obiectum iri, non esse credibile, substantias minerales, quibus *hypothesis* nostra vult gemmas imprægnatas, pollere ulla operatione medicinali in corpore humano, cum adeò sint conclusæ, ut nihil communicare cum eo queant, inprimis cum sint indigestibiles & inexpugnabiles tam leni calore

quo stomachus, alixque corporis partes gaudent.

Sed ad hanc speciosam objectionem diversa habeo quæ regetur. Primum, fateor me satis probabilem objectionem æstimatum fuisse, ad suspendendum iudicium meum, donec experientia quæstionem determinaret, nisi jam actualia tentamina instituta fuissent, experiendi gratia, utrum gemma possit esse prædica virtutibus medicinalibus. Verum cum maximè fide dignum testimonium eminentium Medicorum & ipsorum ægrorum mihi familiarium, non tam refragandi, quàm assentiendi quibusdam rebus facti circa operationes gemmarum, iustas præbeant causas; & cum ejusmodi res facti validè arguant in generali, lapides pretiosos posse virtutibus medicinalibus esse præditos, objectionem, uti generaliter proponitur, satis esse enervatam, per tales particulares instantias, nec oportere adversari experientiæ possibilitatem demonstranti, in primis cum præter eam alia sint, quæ in favorem *hypotheseos* nostræ allegari queant.

Proximè enim consideretur, magnetes vegetos emittere copiosa & admodum larga effluvia; & tamen præter ordinarios magnetes, qui solent esse in paucis lapidibus admodum duri, offendi quosdam insolita duritie plurimum antecellere ordinarios, forsan quoque gemmas nonnullas. Ulterius considerandum venit, esse magnetes, [quorum aliquos tibi monstrare possem] qui non tantum operatione sua afficiunt ferrum, aliæque corpora magnetica, sed & manifestam & inconvenientem operationem exercent in corpora humana, si gerantur in marsupiiis, aut diu manibus teneantur; quemadmodum mihi ipsi conquesti sunt, qui tales operationes vel ipsi persensere, vel in aliis observavere, quam rem confirmare in observationibus quibusdam analogis, si eas recensere vacaret.

Verum nunc progredior animadvertendo, inter pellucidos calculos, quorum quidam, dummodo fuerint benè politi & collocati, æmulantur adamantes, me reperisse complures, qui possint in momento ed deduci, ut emittant copiosos, totque acriter redolentes vapores. Et si concesseris opinionem communem Philosophorum modernorum, qui adscribunt electricas attractiones *effluviis* corporum excitatis frictione, etiam permiseris, ut opinor, me inferre, levissimas alterationes sufficere procurandis expirationibus ex ipsis gemmis pellucidis: quarum multæ sunt electricæ, & tales sunt earum durissimæ, adamantes nempe ipsi, quorum unum mihi servo, qui leviter frictus attrahit validè, ad admirationem spectatorum.

Quodd verò concernit illam partem objectionis, quæ contendit gemmas non digereri aut expugnari calore stomachi; animus non est immorari examini, an & quousque digestio rerum in stomacho adscribenda sit calori, sed hoc saltem dixisse sufficiat, requiri ad objectionis corroboracionem, ut probetur primum, non posse in corpore humano exercere ullam operationem corpora per illud transeuntia, sine sensibili alteratione quantitatis, vel figuræ, &c. prout gemmarum deglutitarum exercere creduntur. Novimus enim, Chymicos quosdam pilulas

lulas conficere ex *regulo* antimonii, (quas nos etiam confecimus, & mira circa eas observavimus) dictas *pillulas perpernas*, quia operatione in corpus perfectâ, cum excrementis ejecta, à quibusdam parcis potius, quàm delicatulis hominibus, denuò lavantur, pluribusque vicibus in pristinum usum deglutiuntur, Neque verò cognoscimus, quæ analogia sit inter quosdam succos corporis, & quasdam substantias minerales, virtutibus illis imprægnantes gemmas.

Nam, licet *oculus mundi* à classicis authoribus raris gemmis accenseatur, (revera etiam boni *oculi mundi* inter raritates numerari merentur;) attamen si aliquis optimi generis aliquamdiu saltem detineatur in aqua communi, expectantia teste, mutationem sensibilem patitur. Allegare hic possem concurrentem auctoritatem multorum, & vulgarem praxin plurimorum Medicorum, qui tam in publicis suis dispensatoriis, quàm privatis præscriptionibus, fragmenta lapidum pretiosorum deglutienda præscribunt, ratione cardiacarum, aliarumque virtutum iis adscriptarum. Verùm malo uti argumentis, quæ minùs in controversiam vocari possint; & omissa consideratione manifestæ operationis, quam succi corporis non tantùm exercent in præparationes chalybearas, ubi metallum creditur aperiri, sed & in ipsum crudum chalybem; aut prosecutione exemplorum Lazari *Vitivoracis*, aliorumque Vitivoracium, ceu quæ sunt raræ *Isiopyxas*; tibi duntaxat proponam, me remisso liquore, distillato ex substantia vegetabili, quæ & temperata qualitate, & frequenti copiosaque consumptione pani non cedit, obtinuisse, idque sine calore, ex diversis duris corporibus, & inter alia ex pellucido genere gemmarum, manifestam tinctutam. Et si quidam succi corporis, adjuti naturali suo calore, ratione gemmarum *quarundam*, possint extrahere *menstrua*, nec ne, licet possibile sit, præter vel meam, vel opponentium certam cognitionem, exemplum tamen jam allegatum nostræ potius, quàm illorum *hypothese* favet.

Ipse quoque calor naturalis stomachi humani, imò forsàn & exteriores partes corporis, utur non digerant lapides pretiosos, possint tamen quasdam virtutum illorum elicere, quando in durissimo gemmarum genere alteratio aded est sensibilis. Est enim mihi adamas, cujus facultas electrica excitatur non tantùm frictione, sed & languido gradu caloris adventitii, Asservavi aliquando etiam adamantem, quem ope aquæ paulò plusquam tepidæ eo reduxi, ut luceret in obscuro.

Objecl. Si porrò dicatur, nullo modo esse probabile, quòd virtutes gemmarum, utur quædam illis inesse concedantur ratione mineralium eas imprægnantium, aded sint varix & eninentes, ut vel modestiores authores prætendant. Si, inquam, hoc obijciatur, prompte confitear, nec me, nec alios mihi ira videri devinctos eruditis licet scriptoribus, ut credamus quæcunquæ incongrua ipsi aliquando gemmis adscripserunt: & quicunquæ senserit, quædam illorum esse fabulosa, aliq̃ hyperbolica, me potius adtipulantem, quàm adversantem sibi ea in se competere. Raritas enim gemmarum pellucidarum, earum nitor, ingensque pretium, quod eis raritas & hominum stulticia imposuit, quo-

rundam audaciam ad *scribendum*, aliorum credulitatem, ad credendum movet, raras illas, nobileſque produktiones naturæ non poſſe non doratas eſſe ſibi proportionatis, & per conſequens extraordinariis qualitatibus.

Sed hoc ſponte conſeſſo, reſpondeo ad objectionem; *Primò*, non eſſe improbabile, quòd in terra ſit multò major varietas mineralium diſſolubilium per ſubterranea menſtrua, & concoagulabilem cum ſuccis petreſcentibus, quàm ab authoribus hæcenus fuerit deſcripta: Quàm conjecturam diverſæ produktionis ſubterraneæ, quas offendi, ſuadere videntur. Et ex harum numero, *variifque mixturis* procedere queat non ſolùm ingens varietas particularũ operativarum in lapidibus pretioſis, ſed & eminens energiæ gradus in quibuſdam illorum.

Deinde conſidero, efficaciam mineralium tincturarum ſeu ſolutionum, nobis jam cognitarum, & concoagulabilem cum ſucco petreſcente, non ſine ratione videri poſſe majorem in gemmis, in quas ingreſſæ ſunt, dum erant [ut chymici loqui amant] *in ſolutis principiis*, quàm exſpectare liceat in noſtris officiis ſeu laboratoris, ex vulgaribus ſolutionibus eorundem metallorum aut mineralium, poſtquam vehementibus ignitionibus fuerint reducta in aurum vel argentum, vel plumbum, vel antimonium, &c. Nam, cum in his vehementibus fuſionibus neceſſariis ad reductionem metallicarum vel aliarum mineralium in tales ſubſtantias, volatiles & ſpiritofæ partes ſoleant expelli, & reſiduum corpus fiat durius & compactius, virtuteſque ſuas quaſi conſeſſas detineat: in ſtatu fluiditatis ſubtiles illæ & efficaces partes præſervantur, & uniuntur cum aliis ingredientibus gemmarum, ex quibus non difficile extrahi poſſunt quædam emanationes: ut in exemplo paulò ſupra memorato, de facili educatione acriter redolentium vaporum ex calculis adeò duris, ut aptiores eſſent igni producendo, iſſis ſilicibus, adhibitis in uſum ſcolopetorum. Et ex majore, minoreve copia, & naturali activitate imprægnantium particularum in hac vel illa gemma, probabiliter deduci poteſt differentia coloris quarundam, & virtutis aliorum lapidum ejuſdem denominationis: De quibus unus, vel duo eruditi ſcriptores, nobis ledere eminentia exempla, de eximia virtute quorundam, & inefficacia aliorum, * quam differentiam experientia docuit in *lapidibus dictis nephriticis*. Licet enim non ſint propriè gemmæ pellucidæ, analogia tamen quæ iſſis intercedit cum pellucidis, ſatis tueretur mentionem illorum hac occasione injectam.

Hic quoque ſubjungamus in favorem utriuſque præcedentis reſponſionis duo monita: quorum *primum* eſt, petreſcentes ſuccos, quantum ſciimus, omnibus requiſitis eſſe inſtructos, quæ eos tales reddant, & tamen diſtinctas habere naturas, eſſeque præditos peculiaribus qualitatibus, abſtractis ab iis, quas acquirunt ratione ſuarum coalitionum cum liquoribus adventitiis. Hoc probabile reddere per differentias quas obſervavi in petreſcentibus fluidis non vacat, ideoque proporo ad ſecundum.

Secundum quod proponere decrevi hoc eſt, quod obſervato, liquores vel ſpiritus

* Vide *Vaterum de Nephritide*.

Spiritus petrificos pervadere corpora, iisque conciliare eximium gradum duritiei, quæ in ambitu eorum contingit jacere, licet videri potuissent satis disposita ad recipiendam huiusmodi indurationem; nullam videam absurditatem in opinione, qua statuatur talem liquorem aliquando invadere, permeare & subigere posse pellucida mineralia, abundantia salinis, sulphureis & bituminosis particulis; quæ consequenter debite excitatæ disponi queant ad emittendum subtiliores suas & activiores (ut ita dicam) partes. Et sicut causam habeo arbitrandi, subterraneos ignes & *menstrua* diversis temporibus conficere varias in terra compositiones & decompositiones, (quod facile probarem, si vacaret iis immorari) ita nec impossibile est, spiritum, de quo locuti sumus supervenientem semet immiscere talibus corporibus, eaque secum una petrificare in gemmas. Hac occasione memini me habuisse salem, elaboratum per naturam in visceribus terræ, in omnibus similem illi, quem Chymici in terræ superficie arte componunt. Ego etiam nonnunquam facili operatione & modico gradu ignis feci certam compositionem ex *volatilibus particulis* salis & sulphuris (quarum aliquas adhuc habeo) quæ post distillationem in fluido medio concurrebant in crystallâ pellucida, & magis concinnè quàm diversas gemmas naturales, figurata comperi. Aded ut, sive supra, sive sub superficie terræ contingat ejusmodi substantiam pervadi & subigi a puro petrificante liquore, sine absurditate arbitrari liceat, resultantem concretionem esse affectas qualitatibus, non minùs extraordinariis generis, quàm gravibus gradus ratione.

Objeccio. Si obijciatur, admodum improbabile esse, quod gemmæ communicent quædam effluvia, seu portiones suiipsarum, cum nihil ponderis sui amittant, earumque nonnullæ paulò graviore sint ipsa crystallâ, & per consequens non videantur continere multum adventitiæ substantiæ communicandum: Relinquerem sanè unam objectionis partem solvendam Medicis & Chymicis docentibus, vitrum & pateram antimoniam imbuere vinum, aliosque liquores acri qualitate emetica, sine sensibili ponderis pristini diminutione. Verùm quando alibi de his rebus disserui, potiùs hic interrogare libet, an opposcentes modo quodam satis accurato experti fuerint veritatem, quam argumentum eorum precatio supponit. Admodum enim dubito, tentamen illud unquam fuisse institutum, aut facile perfici posse. Et donec debita tentamina ea de re fiant, liceat mihi hic proponere, etiam si nolunt concedere aquam communem esse *menstruum* aptum, cujus ope extrahatur quicquam ex corpore Mercurii, qui solet illudere chymicorum *aqua forti* & *aqua regis*, *Helmontium* tamen & alios nos docere, Mercurium detentum unum, duosve dies in aqua communi, aut aliquandiu in ea coctum, utut sine ulla sensibili ponderis vel quantitatis diminutione excipiat, imbuere aquam virtute necandi vermes; in quem finem ea sæpius adhibetur, & sæpè felici insequente successu in magno Xenodochio *Londinensi* quemadmodum non semel ex primario Medico illi deputato (viro acri judicio, & experientissimo) didici.

Quod verò attingit ad levitatem gemmis quibusdam objectâ, præterquam quod

non abs te concesserim, illas forsā *ceteris paribus* paucioribus vel languidioribus virtutibus polleat, quam alias ejusdem generis; hoc etiam responsum velim, adventitiam substantiam imprægnantem succum petrescentem, tam exigua gravitate specifica posse gaudere, quæ gemmam nihilo omnino efficiat graviores in *specie*, crystallo ipsa. Hic enim (ut antè animadvertimus) cum duplo & dimidio circiter ponderosior sit aqua communi ejusdem quantitatis, hydrostaticè competi, diversa salia & alias quasdam substantias minerales minore specifica gravitate esse prædicas; & consequenter, si fuerint concoagulatz cum succo petrescente, qui durefcit & evadit crystallus, ejus gravitatem non augent, nihilominus imbuentes eum virtutibus non levibus: neque verò necessarium est, (quod hac occasione *intransum* dictum velim) ne coloris carentia crystalli, vel color alterius gemmæ alteretur, ut adventitia substantia sit purè salina: sæpe enim confeci corpora, quæ, licet essent pellucida & colore carentia instar crystalli, & quandoque concinnè, ordinate quæ figurata, erant tamen naturæ compositæ, & speciatim abundabant faciliè separabili & acriter tedolente sulphure. Verùm, ut objectioni ulterius & directius respondeam, addo, licet gemmam multò majore specifica gravitate præ crystallo gaudere, aut admittere adventitii mineralis separationem, admodum probabile sit argumentum petrescentem succum esse corpus illud compositum cum substantia adventitia, tamen non necessariò sequi, neutro horum indiciorum appatente, gemmam tali substantia penitus carere. Nam (ut alibi declaro) petrescens liquor, ex quo præcipuè constat, potest esse imprægnatus non crassiore substantia, sed subtiliore & magis spiritosa parte mineralis, sine sensibili incremento specificæ gravitatis. Cujus rei memini ostendisse memorabile exemplum viris quibusdam curiosis, in fonte minerali, ex quo plures tum bibebant sequentes consilia eruditorum Medicorum contra quosdam morbos. Vtut enim hæc aqua tam ex sapore atramentofo, quam ex denigratione excrementorum eorum, qui eam biberunt, aliisque signis videretur satis copiosè participasse de ferro; ferræ tamen vel ferruginæ (qua voce author utitur) particulæ, quibus abundabat, erant ita leves & spiritosæ, ut non tantum facile avolarent, sicut expertus sum, liquore minus acutè concluso; sed & cum advenirem spiritibus adhuc præsentibus, (recens enim aqua ex fonte fuerat hausta) hydrostaticè examinandi eam gratia, probatissima bilance, multa quæ soletia, *virinosos* assistentes convincebam, ferrugineam illam aquam parum admodum vel nihil graviores esse in *specie* alia aqua, quæ pro communi aqua fuerat allata; cum ista confertetur, & eadem trutina eodemque modo examinaretur.

Nunc verò, si in memoriam revocaveris quod alibi dixi partim de atmosphaeris solidorum corporum, partim de magna efficacia effluviolorum; spero te minime existimaturum absurdè conjici, & quosdam lapides pretiosos polleat virtutibus medicinalibus, & illarum complures adscribendas mineralibus substantiis, ex qua participarunt vel consistunt, speciatim iis, quæ aptiores sunt exercendæ facultati suæ operatrici per copiosas effluxiones agiliorum suarum & subtiliorum partium.

Et

Et hac occasione non incommodum fuerit te admonere, licet quæ hætenus differui præcipue pertineant ad gemmas pellucas; multa tamen ex eorum numero, paucis mutatis posse applicari gemmis opacis: de quibus loquar succinctius, non tantum ob rationem jam dictam, sed & quod probato (prout spero me probasse) ipsas pellucas gemmas dotatas esse posse virtutibus per minerales substantias quas continent, aut quibus ex parte constant; ab iis ad gemmas opacas, tanquam à minori ad majus, argumentari liceat, has multò magis probabile esse, pollere virtutibus, &c. cum quia ut plurimum sunt longè molliores istis gemmis videlicet pellucidis, tum quia multò facilius est demonstratu per earum specificam gravitatem, & compositionem complurium illarum, obscuras, quàm claras, ex parte & nonnunquam copiosè posse constare ex substantiis mineralibus, simul incorporatis & duratis per succos petrescentes vel spiritus petrificos.

Pro confirmanda hac doctrina, primo loco conabor ostendere, quod quæ diximus, sint *possibilia*; & postea exponam quædam particularia, quibus ea *summè probabilia* reddam.

Prima pars pensæ meæ facile absolveretur, aut forsitan absolvi non opus haberet, si certus essem, tibi non opus esse relatione rei cujusdam, quàm scripsi de *succis lapidescentibus*. Sed majoris securitatis gratia hoc loco breviter intimare animus est, me inter genera istorum liquorum, observasse speciem quandam, quæ purissimæ est substantiæ, & tamen adèd virtute petrificæ pollet, ut penetret & petrificet corpora diversissimorum generum, vix vel ne vix quidem visibiliter aucta illorum quantitate, aut mutata figura vel colore. Quâ ratione vidè diversas animales & vegetabiles substantias ita petrificatas, ut vix exterius apparerent alteratæ per operationem liquoris petrescentis. Cum delectatione vidi coagulatum calcolum versum in lapidem, ubi figura, magnitudo, & color vel ipsarum rugarum, & cærulei situs, (quem videbatur ante contraxisse, quam liquor invaderet) tam pulcrè erant præservata, ut famelico sine dubio salivam movissent. Et quod attinet ad duritiem, quam petrescens ille succus conciliare potest corpori, quod penetrat, illud saltem tibi in memoriam revocare liber, quod nuper dixi: me habuisse (& forsitan adhuc habere alio in loco) aliquam multum ligni petrificati in *Anglia*, quod servata pristina figura, & grano, & ne vix quidem visibiliter aucta quantitate, in tantam degeneraverat duritiem, ut non solum ferro, imò ipsi vitro impressiones inderet, sed & ignem eliceret instar præstantissimi silicis. Neque (quod addo) lapideæ partes patiebantur lignum (quod penetraverant,) reduci in cineres vel carbones. Nunc etiam est mihi massa mineralium substantiarum, in qua liquor petrescens, replens ampla interstita spacia, satis est pellucidus, & in paucis lapidibus durius, quantum poteram conjicere ex tentamine circa illum instituto per petritum gemmarum sculptorem.

Et his exemplis plurima alia adderem, nisi pauca illa sufficienter evincerent petrificæ agentia sanctæ posse insinuare poris variorum corporum, & eaque con-

vertere,

vertere in lapides , sine alia destructione pristinæ illoꝝ naturæ , imò servata etiam figura primitiva.

Quare generaliter probata *hypotheseos* nostræ *possibilitate*, nunc progredimur proposituri quatuor, quinqueve argumenta particularia, quibus ejusdem summam *probabilitatem* spero evictum iri. Argumenta autem illa *partim* petita erunt ex ingenti specifica gravitate plurium opacorum & medicinalium lapidum; *partim* ex aptitudine nostræ *hypotheseos* ad expromendam rationem diversorum *phenomenorum* eò spectantium, quorum quædam vix, quædam minus probabiliter explicari queunt sine illa, *partim* etiã ex metallicis substantiis, quæ manifestè separari & obtineri possunt ex lapidibus, de quibus sermo est: *partim* denique ex natura corporum, ex quæ medicinalis lapides videntur compositi.

Arg. 1. Specificam gravitatem diversorum opacorum lapidum, quibus medicinales proprietates adscribuntur, non esse levis momenti, axioma est, cuius veritatem scriptores talium concretionum, si petiti fuissent hydrostaticorum, & curiosi hydrostatici lapidum examinis, facili negotio cognovissent, prout mox elucescet ex specialibus exemplis : ante quorum mentionem mihi monendus es, quod mecum perpendens marmor album unanimi consensu accenseri puris solidisque lapidibus, & ratione albedinis præ aliis plurimis videri liberum mixturis mineralibus, arbitrabar, me illo minimum niti posse æquè ac quovis alio lapide, cu fundamento specificæ gravitatis lapidum opacorum, quando merè tales sunt. Itaque ponderato frusto albi marmoris in aëre & aqua, comperi gravitatem ejus ad gravitatem dicti liquoris in eadem quantitate eandem propè rationem habere, quam 2. ad 1., vel (ut proportio cum exiguo licet errore melius memoria teneatur,) ut 2. ad 1. Et quò tentamen institueretur in lapide colore casto, sed ob majorem duritiei gradum æstimato compactioris texturæ, examinavi limatulum album calculum; quem comperi se habere ad æqualem magnitudinem aquæ, ut duo amplius sex decimis ad unitatem. Hac re determinata, prout mihi fuit sentire : tam corpora diversa, quæ solent pro *meris* haberi lapidibus, ponderosiora esse albo marmore ejusdem quantitatis; quam, existentem quandam excessum gravitatis specificæ, prout conjicio plurima posse reperiri superantia pondere specifico gravitatem marmoream, forsan procedere ex quodam corpore metallico, etsi non visibilibiter, revera tamen & fortean copiosè commixto petrescenti materiæ lapidum illorum. Posterior pars hujus conjecturæ infra confirmabitur in argumento *tertio* quare pauca saltem exemplis prioris partis modo enarrare opus est: sunt autem quæ sequuntur succinctè propositæ. Cum itaque ponderassem sequentia mineralia, primum in aëre, deinde in aqua, mox comperi *ham usum* (quem emi à pharmacopola) ad aquam ejusdem quantitaris habere rationem, quam 5. ad 1. *Magnetem*, quo tunc utebar, (nam non sunt omnes æquè graves in *specie*,) ut 4 & 1/2 ad 1. *Lapidem Calaminarem*, præscribi solitum contra catharros oculorum, & adhibitum ad conversionem cupri in *zss*, ut 4. ad 1. *Lapidem Turia* dictum, etiam usurpatum contra rheumata oculorum, ut ferè 5 ad 1.

Sed & hic mihi monendus es, quod non inuenerim proportionem singulorum horum corporum & aquæ, semper eandem esse & perpetuam, verum nonnunquam maximam esse differentiam in lapidibus specialibus ejusdem generis; quod optimè nostræ *hypothesi* accedit. Nam, cum concederem in speciales illos lapides, qui participaverint abundantius de substantiis mineralibus gravitate in specie superantibus gravitatem lapidibus quâ talibus necessariam, convenire eminentiorem gravitatem præ aliis illius generis lapidibus, qui minùs ex substantiis mineralibus participaverint: dicebam, de substantiis mineralibus gravitate in specie superantibus gravitatem lapidibus quâ talibus necessariam, quia sunt quædam substantiæ mineralibus accensæ, quæ possunt lapideam materiam, cum quâ coagulantur, afficere virtutibus medicinalibus, & tamen lapidem seu aggregatum compositum non gravius sed levius in specie reddunt. Ex gagate, qui in quibusdam regionibus Europæ repetitur in lapidicinis, estque verum fossile, quod solet acceneri lapidibus, & à multis gestatur in annulis pro gemma, obtinui non levem quantitatem olei, & ponderato gagate ipso selectissimo, comperi ejus gravitatem ad illius liquoris in æquali quantitate gravitatem eandem tantum rationem habere, quam 1. ad 1. Sunt & alia fossilia duritie lapides æmulantia, & polituræ marmoris instar capacia, ex quibus per distillationem obtinui duplicis generis oleum, unum levius aqua communi, quod arguit bituminosas etiam, levèsq; substantias lapidi insinuari posse. Salia verò, maximam partem leviora in specie albo marmore, posse magna vi concurrere in concretionem lapidum, sub finem hujus discursus demonstrare dabitur, occasione lapidum, ex quibus in *Anglia* conficimus *virriolum*. Præcedentem considerationem huc retuli, quia proposueram tibi simul intimare, lapides in specie leviores albo marmore posse esse compositos ex fossilibus, unde traducant vel derivent peculiare qualitates; ubi dicerem meo judicio lapides multò majores in specie marmore, validè videri atquere gravitatem ipsorum acceptam ferri mixturæ metallicarum seu mineralium substantiarum. Et hic finis esto primi nostri argumenti.

Argumentum II. Proximum petimus ex consideratione *phenomenorum* quorundam (pertinentium ad lapides medicinales) quibus optimè convenit cum nostra *hypothesi*, quæque vix præter eam explicari queunt.

Et 1. Quod ipsas gemmas *pellucidas* concernit, didici prævia inquisitione ex peregrinatoribus, qui iter fecerant in illa *Indiæ Orientalis* loca, quæ gemmas ferunt, modò hoc, modo illud genus gemmarum, modò etiam adamantes ipsos in rupibus inclusos offendi, quæ eum in finem elaborantur, ut inde lapides pretiosi eruantur; vel in medio etiam durorum, solutorumque lapidum reconditos latere, qui comminuendi sunt in frusta, quò vel adamas vel alia quavis gemma inclusa in lucem protrahatur: Cujus sanè *phenomeni* ratio vix dari poterit præter *hypothesin* nostram: secundum quam rationaliter supponamus, gemmam primò fuisse formatam vel in terra, vel quavis alia molli & facile permeabili substantia, quæ postea pervasa per succum quandam seu spiritum perisifi-

F cum

cum, conversa fuit in rupem vel lapides solutos, prout terram, & aliam ambientem materiam contigit esse vel integram, solidamque massam, vel divisam in glebas, aliasque particulas. Memini etiam, Præfectum coloniz *Americane* mihi inter alia rara in illa regione effossa transmississe multum genus mineralis, quod videbatur majore gravitate donatum, quam primo intuitu promitteret: ego curiositate motus illud confregi, in eoque passim reperi complures gemmas, quas figuratio, alizque nonnullæ circumstantiæ arguebant ibi fuisse formatas, antequam ambiens minerale eam, quam tunc obtinere videbatur, naturam induisset. Et forsan inde eveniat in lapidibus *opacis*, ut ingens massa medicinalis terræ occupetur, & modo recens enarrato petrescat; adeo ut non videatur incredibile, quosdam illorum lapidum medicinalium esse valde amplos respectu aliorum: quemadmodum Medicus ingeniosus mihi retulit de lapide splenis, ut vocant, qui manibus familiaris sui (apud quem eum vidissem, nisi obstitissent casus negotiorum meorum) æstimabatur octoginta circiter ponderare libras. Hac etiam occasione recordor, quod aliquando observavi, in lapide quoque medicinali; erat ille marmore & durior, & gravior, vidique ejus massas longè majores, quam quas manibus elevare valerem: hujus frustum satis amplum violenter abruptum à massa, ad quam pertinuerat, citavi serra dissecari, ut quantum liceret oculis, spectarem interiorem ejus texturam: tum verò apparebat solida lapidis substantia distincta vacuis cavitatibus, & quantitate & figura differentibus, (quem lapidem nondum arbitror me amisisse) unde colligere pronum est, compactum illud atque ponderosum corpus confectum fuisse ex lapideæ natura, ope supervenientis petrescentis liquoris seu spiritus, in terram porosam, aliamve substantiam consistentem. Si enim merus fuerat liquor, in quo cavitates illas singulas totidem oportet fuisse aëreas bullas, non est probabile quasdam earum inordinatis aded figuris apparituras, nec vel unicam in exteriorem superficiem emersuram fuisse.

2. Ex nostra etiam *hypothesi* petri potest ratio alterius *phenomeni*, quod alias explicatu difficillimum videtur; nempe quomodo gemmas, quæ integri apparent lapides, contingat ratione diversarum contiguarum partium diversissimis tingi coloribus; cujus generis nobis sunt *sardonyx*, & quædam aliz gemmæ *opacz*. Idem etiam observavi, quanquam rarissime in pellucidis. Stante enim nostra *hypothesi*, pronum est dicere, portionem materiæ imbutam quadam tincturam diversicoloris gemmæ, prius fuisse formatam, & deinde petrescentem succum alio colore conspicuum, contiguè ad illam accrevisse, & ita unà composuisse lapidem unum. Hocce illustrari potest exemplo quodam petio ex gemmis artificialibus: licet enim ignis longè majorem concitet agitationem corporum, quæ constantur, quàm necesse sit supponere in frigidis petrescentibus liquoribus, tamen præparatis gemmis artificialibus comperi errore quodam in operatione commisso, minerale pigmentum communicasse tincturam cum una parte massæ pellucidæ, alia proximè vicina parte exclusæ: aded, si videres unam illarum, quas adhuc habeo, judicares eam esse compositam

ex duobus

ex duabus gemmis diversis summo artificio coadunatis, vel agglutinati, nisi frustra conatus fueris ut alii fecerant, oculis subficere, aut alio modo percipere appetam commissuram, quæ hæc aded diversi coloris corpora arceat à coalitione in unam massam integram. Sed missis artificialibus illis gemmis addam ad ea quæ jam dixi de nostris naturalibus, unionem patrum in lapidibus illis resultantibus, (ut ita eos appellare liceat) de quibus antea verba feceram, perfectiorem fore, nisi superveniens materia offenderet prius formatum lapidem jam obtinisse plenariam indurationem; etiamsi, quantum sciam, etiam in hoc casu, appositio possit esse ita arcta, & ambæ materiæ ita cognatæ, ut existimentur unus esse lapis, possintque simul poliri, sine ulla deformi discretione superficiei istarum partium. Habeo enim massam, in qua clarè apparent lapides coloribus plurimùm inter se differentibus, qui aliquando distincti, & non coherentes fuerant, quorumque intervalia omnia aded pressè fuerant occupata petrescenti liquori, ut nec tactus, nec artificum instrumentum in massa jam terra dissecta, commissuras investigaret; quin potius, integra massa uniformis polituræ capax est, duriorque pluribus gemmis solitis gestari in annulis, ut etiam ignem eliciat collisa ad chalybem. In hujus rei plenioris confirmationem addam, curiosum Virum mihi familiarem in loco, quo offendit hanc portionem petrescæ materiæ, non tantùm reperisse alias massas, sed & diversos lapides solutos, qui omnes ejusdem naturæ videbantur esse cum illis, quos superveniens liquor petrescens coadunarat in massas lapideas. Habui etiam elegantem *achaten* ita formatum, ut summè probabile videretur, opacas ejus materiæ partes fuisse tenues, sed non omnino contiguos pulvillos puræ argillæ seu terræ ferè sibi mutuo (non *horizonti*) parallelos, qui petrescenti liquore eo fortè delato redacti fuerant in coagulationem cum eo in opacum partim, partim pellucidum lapidem. Et nonnunquam delicias mihi feci ex consideratione plurium istius modi argillarum, vel terrarum mineralium, quæ, utut distinctis & forsan diversis essent tinctæ coloribus, aded tamen tenues erant, ut omnium crassities vix superaret digitum, nec vero ubique plano vel horizontali sica jacebant, sed diversimodè respectu & *horizontis*, & mutuo, & subside exteriores quæque successivè ambiebant vel circumdabant ferè interiorem: Et horum tenuium stratorum vel pulvinulorum terræ plurimos vidi, intra exigui loci ambitum. Hoc loco non conveniat moras necesse demonstrando, quàm probabile sit, quod eodem ferè modo explicari queat productio diversarum aliarum gemmarum, præter *achatas*, ut *chalcedorum* & *jaspidium*, quæ gemmæ maxima quidem parte sunt opacæ, alicubi tamen non rarè pellucidæ. Sed antequam ulterius progrediar, in memoriâ tibi revocare libet, quod alibi dixi: Commodum videlicet calcinatione, sine contractione, quorundam horum lapidum, quorum maxima pars erat pellucida, petrescæ, comperi partes pellucidas induisse albedinem; & quasdam areolas mineralis terræ non tantùm servasse pristinum suum & situm, & colorem, sed & sereniorum eundem reddidisse, ita ut unum horum stratorum post calcinationem appareret divitè &

constante rubore tinctum. Illámque diversitatem colorum observavi non tantum in stratis, sed & in maculis & inordinatis nubeculis (ut ita loqui liceat) aliorum colorum, (v.g. viridis, cærulei, &c.) Adderem hic me reperisse nitentes *marcasitas*, non tantum in aliis solidis lapidibus, sed & in marmore; nec non silices inclusos in magnis massis marmoris; lignum in duris lapidibus, quorum usus est in extruendis muris; & conchas (quas esse figura & magnitudo minimùm arguebat,) in magna massa lapidis, quàm in ipso ferè montis vertice à mari distantis, reperi; ut taceam istius generis alia *phenomena*, quorum probabilitas quidem ex nostrâ *hypothesi*, nulla autem præter eam dari queat. Verùm quando animus est finem mox imponendi huic discursui, nec libet immorari discursui de *effluviis succi petrificantis* (quod consideratio horum, aliorumque diversorum *phenomenorum*, occurrentium circa generationem lapidum & petrefactorum corporum, speciatim in matricibus aut modulis, magis propriè spectat;) hoc tantum loco indigirabo *observationem*, & respondebo ad *objectionem* quandam; quia utraq; ad hunc discursum pertinet.

Observatio hæc est: In ipsis gemmis pellucidis, & quod majus est, in gemmis, ejusdem speciei, me animadvertisse talem mutuam lapidum aggenerationem seu accretionem, quæ arguat illorum productionem successivam. Ad cuius rei demonstrationem nulla amplius re opus est, quàm ut te remittam ad ea quæ non ita pridem * retuli de adamantibus *Cornubiensibus*, in quibus nonnunciam majoribus minor lapidis, geometricè tamen figuratus quadam vi parte non exigua inclusus erat, alia parte eminebat. Vnde conclusi, productionem hujus aggregati duorum crystallinorum corporum non fuisse simultaneam, sed successivam, & minus fuisse prius formatum, quod nunc confirmatum eo hac consideratione. Quod si major lapis prior fuisset duratus, opottuerat materiam minoris ei tantum exterius adhæsisse, & quasi super illo anaglypticè elaboratam fuisse, nec potuerat sibi præparasse in substantia majoris cubile quasi, vel modulum, inprimis tali figura geometrica præditum, qualem ipsa nondum erat adepta.

Et quanquam hæc successiva generatio partium gemmarum (ipso intuitu) integratam tibi appareat aliquantum nova & mira, tamen ut ejus aptitudo, & necessitas requisita ad explicationem præcedentium & aliorum *phenomenorum*, infra memorandorum magis tibi arrideat; addam mechanicam illustrationem, qua si nequis persuaderi ut admittas, possis certè juvari ut intelligas generationem illam successivam. Videmus enim in diversis chymicis solutionibus, e.g. salium vel aliorum corporum, esse certas scænas vel periodos coagulationis: aded ut, certa quantitate superflui humoris exhalata, præcipue prævia quadam non levi refrigeratione, aut alia circumstantia commoda, particulæ quæque maximè dispositæ ad coagulationem concurrant in crystallâ, quo facto aliæ istas non ante imitabuntur, quàm alia gravior evaporatio aquæ aut alterius *mensuræ* fuerit infecta, qua petacta nova sequitur crystallizatio partii. Possunt etiam

etiam ostendere tibi productiones metallicæ, sed non vulgaris solutionis, quam ita feci in appropriato liquore, ut primus concursus formaret statum concinnæ figuratorum crystallorum, & sequens aliud statum purorum crystallinorum corporum, quod semet agglutineret priori, & figuræ & situ valde diverso. Et in hoc experimento & dissolutum corpus, & *menstruum* unum tantum erat; si verò liquores componentes *menstruum*, aut corpora in eo solvenda, diversæ fuerint naturæ, quædam corpusculorum possunt concurrere vel seorsum cum iis, quæ sunt ejusdem naturæ, vel commixta cum iis, quæ diversæ sunt naturæ; eodem tamen tempore, & sic possunt componere crystalli naturæ compositæ, & quædam illorum possunt concurrere cum homogeneis particulis, sed successivis temporibus; & ita aberrare possunt à tali uniformitate, quæ alias appareat in illorum concrectionibus. Hoc illustrari potest per id, quod alibi dixi de crystallizationibus salis nitri & salis marini, unâ dissolutorum in aqua communi, ubi ut plurimum grana salis resultantium figurarum producuntur; sic quoque magna pars salis marini coagulatur in figuram imperfectorum cuborum ad fundum, antequam nitrosa corpuscula coeunt in crystalli propriæ (ferme prismaticæ) figuræ. Hoc etiam porro addam, nil interesse, quâ ratione superflua aqua evanescat, sive id fiat per exhalationem, vel per inhibitionem corporis ad eam rem idonei; prout observavimus in acceleratione crystallizationis quorundam corporum, ubi nolui adhibere calorem ignis, sed solutioni subjeci aridam terram, vel aliud quoddam porosum, bibulumque corpus.

Secundum hæc exempla analogicè concipiamus, ubicunque petrescentes liquores fuerint commixti aquæ communi, posse fieri per diversâ accidentia, præcipuè calidâ æstate, sufficientem secretionem superflui humoris, ut aptiores patres petrescentis liquoris coagulentur, & deinde coagulationem posse suspendi, superveniente vel frigidiore statione, tempore nempe brumali; vel ipsa æstate, frequenti pluvia, aut ejus effectu, inundatione agrorum, quæ obicem obmoliuntur progressui coalitionum, nimia dilutione liquoris, qui aliàs in lapidem conversus fuisset. Ut taceam me experientia edoctum, esse corpora, eaque diversissimi generis, quæ tractu temporis, inprimis coalitione illorum promota rigore tempestatis, coagulentur, postquam diu servatint formam fluidam, licet aqua vel aliud menstruum obturatis vitris inclusum ab exhalatione præservetur. Cùmque terra recondita detineat diversâ genera horum liquorum, (ut alibi ostendi) & plures illorum possint esse copiose imprægnati, alii alio genere mineralium; non absurdum fuerit opinari, illos per distinctarum periodorum vices respectivè coalescere, & tamen atque ad invicem agglutinari; considerato quòd in cavis receptaculis, quæ terra distribuit petrescentibus liquoribus, valis à principio ad finem iisdem permanentibus, uniformitas corporum productorum per coalitiones successivas, necessariò sit minus regularis, & manifeste accretiones vel aggregata coalescentium corporum frequentiora secundum summam verisimilitudinem; licet in nostris chymicis crystallizationibus artifices soleant ex vase excipere, quod primò concurrat, antequam novam

adornent exhalationem aquæ ad novam crystallizationem, ideoque obtineant una vice coagulara corpora, ordinariore figurâ prædita. Ego verò vestigiis naturæ insistens passus sum exhalationem liquorum in eodem petfici vasis, & sic obtinui in fundo coalitiones diversissimorum corporum.

Quod paulo superius dixi, suggerit memoriæ meæ, quod ratione satisfactoriis (quam eventus mihi præbuit) conjecturarum mearum de successivis concretionibus quarundam solidarum marcesitarum, quæ extra controversiam videbantur integræ & uniformes massæ, curavi duos, tresve pyritas allatos ex diffitis locis, quos selegi quantitate & figura plurimum differentes, caute diffringi. Quod tenamen me affecit voluptate observandi, internam texturam minimi horum mineralium, quod formæ sphericum erat, multum differre à textura interioris partis substantiæ lapidis; & in alio, eodemque maximo minerali existere exiguum lapidem globosum, qui manifesto alius erat à massa ambiente, ab hac differens non tantum textura, sed & passim perceptibili commissura: licet plurimis in locis adhæsis adeo arcta esset, ut non valerem mineralia illa separare ope dictæ commissuræ. Maximam partem duplicis hujus marcesitæ mihi servo, nec amplius quicquam eorum, quæ ulterius in eâ observavi, referam, nec nisi perfunctoriè dixi, quæ hæcenus de eâ memoravi.

Vnicum adhuc addam, me in quibusdam circumstantiis, in obturatis etiam uasis: ideoque sicut manifesta exhalatione aquæ, alteriusve *menstrui*, & nonnuncquam homogenei cum dissoluto corpore, tractu temporis obrinuisse coagulationes, ut ultimè formata crystallà perspicuè apparebant generata per accretionem ad primam.

Difficultas. Finita nunc *observatione*, vites meas experiar in enodanda gravi difficultate quam auguror *hypothesi* nostræ *objectum* iri, scilicet, *aggregationes* illas (liceat ita loqui) medicinalium, aliotumque lapidum aliquando repetiri in locis, ubi nulli adsunt fontes petrifici, & forsitan nulli fontes, vel aliæ aquæ, imò parum vel nihil præter lapicidinas, vel alias massas lapideas.

Verùm ad hanc objectionem rehero, *Primò*: Si admittimus relationes, quas alibi ex probatis authoribus allegavi, de brutis animalibus & hominibus conversis in lapidem per spiritum petrificantem, subitò eos invadentem, non fuerit sanè absolurè necessaria præsentia seu vicinia fontium petrificantium, vel alterius similis aquæ ad productionem talium mineralium, de quibus nunc loquimur.

Secundò, in quantum nunc ostensum est contrarium, supponere licet, cum aqua pluviali unâ devolvi tales particulas petrificantes, quæ rem nostram perficere valeant. Quod confirmatur sequenti relatione, cum enim ex docto & ingenioso Viro inquisivissem in diversâ particularia concernentia celebres thermas, illi in *Hungaria* spectatas, quarum aqua plurimum imprægnata est particulis petrescentibus, subiectæque est præaltræ structuræ; didici ex ejus responsis, inter alia scitu digna, superiori parti præaltræ hujus structuræ (quam vel contiguationem vel tabulatum voces) plures oblongas concretiones lapideas,

ideas, (qualium usus est in adornandis *cryptis* seu *cavernis*,) adherere, quas ibi aserebat tractu temporis pedetentim generatas, non, ut ego primò suspicabar, ex conspersione quarundam aquæ guttarum, (quam nimum abesse dicebat, ut eò altitudine pertingeret) sed ex copiosis petrificis vaporibus, qui, ascensu suo ibi coërcito, ductu naturalis propensionis in lapidem coagularentur. An hæc relatio rectè tueatur conjecturam meam, qua opinor in quibusdam locis lapides posse generari, sine ope vel pluviz vel fontium, per ascensum petrificantium particulatum in modum exhalationum ex humilioribus partibus terræ; quæ exhalationes, passæ concomitantes vapores leviores exhalari, operationem suam exerceant in quibusdam dispositis materialibus, quæ eis in ascensu occurrant, eaque in lapideam substantiam convertant? An, inquam, illa relatio rectè suggerat dictam conjecturam; nunc non vacat examinare, utut terrena & nunquam sulphurea sedimenta, observata in fundo aquæ pluvialis, permixta subsidere in puris vasis, videantur illi favere; utut quoque eam illustrare valerem observatione meâ habita in lagena distillati liquoris, cujus nulla pars naturaliter ascenderet in forma sicca: postquam enim illum in loco tuto & quieto unum, duosvè annos, atq; conclusum in ampulla vitrea detinueram, observavi ascendentes vapores pervasisse subercum obturamentum, inque ejus vertice formasse numerosas *stirias* albicantes, tenues quidem, sed in stupendam porrectæ longitudinem.

Tertiò, nulla urget necessitas, ut in omni solo ferente aquas petrificas sine etiam fontes petrifici, minimùm emergentes in terræ superficiem. Curavi enim effodi plurimos figuratos & pellucidos lapides ex certa terra, quæ sita in superficie rupis videbatur admodum arida. Imitatus etiam sum quodammodo, quod hæcenus retuli, effundendo solutionem lapidearum *Siviarum*, confectam in spiritu *argenis*, in convenientem quantitatem *Boli Armeni*, & detinendo mollem mixturam in vitro exposito libero aëri, donec superfluous humor exhalasset; & inveni exigua, sed colore destituta & figurata crystallæ dispersa per exiguas cavitates rubræ terræ. Atenim addam rem majoris in instituto nostro ponderis, lignum scilicet petrificatum elegantissimum & durissimum omnium quæ unquam vel habui, vel quibus ad tentamina usus sum, fuisse ad me delatum à viro ingenioso, cujus opera usus fueram in loco, cujus solum erat arenosum, in quo nec petrificum, nec alium quemvis fontem reperire potuerat. Cui relationi nescio an addam, supposito solum semel fuisse humectatum liquore lapidescente, eò vel ex fontibus, vel alia ratione derivato, facile gravis hujus *phenomeni* ex *hypothesi* nostra commodam reddi posse rationem, quod subinde non tantum in soli superficie, sed & in ipsis forsan rupibus inveniuntur aggregata figuratorum lapidum, quæ videntur quasi ex radice sursum versus excrecere; quæ res multum fatigat ingenia hominum in excogitanda ratione, qua eò pervenerint, & propensa forsan efficiat in opinionem lapidibus vegetationes adscribentem. Sed contra hæc regetur complures conjectiones, de quibus sermo est, fuisse forsan formatas in matricibus suis suber-

rancis, licet non profundis, vel in humilibus cavitatibus superficiei earum, & post earum formationem, terram soluriorem eas antrè ambientem, fuisse abactam vel pluviis, vel ventis, vel alio modo, relictis illis lapidibus firmiter adherentibus solido corpori. Præterea si vacaret, facillimo negotio ostenderem, lapideas concreciones fuisse forsitan formatas mechanica aëris actione in lapideas particulâs, quæ semel successivè applicant materiæ, quæ primò coagulatur, quando illæ paratæ sunt dimittendo humoti, qui particulis illis associatus fuerat, & necessarius erat debitiæ applicationi ad casualia rudimenta, (quæ habentur pro radicibus) cuius imitatione sæpiùs obtinui tam ex salinis, quàm ex lapideis solutionibus, siccis crispas eleganter figuratarum, & pellucidarum, vel albarum, sed tenuissimarum *stiriarum*, (qua voce uti liceat) quæ videbantur excrefcere ex vitro solido, & causam præbuit admirandi, quâ ratione eò pervenit, cum nulla aqua vel alius liquor propè adfuerit.

Quariò, commodum evenire queat, petrescentem liquorem ita commisceri & dilatarî in aqua communi, ut nequeat distingui ab ea à plerisque omnibus hominibus, neque semet prodere per effectus, donec vel per copiosam exhalationem aquæ communis, vel per peculiare quasdam prærogativas operandi in corporibus, vires suas exerendi arripiat occasionem. Qua occasione addam, esse lacum in *Hybernia*, qua vergit ad Septentrionem, quem pisces alere, æquè ac alios lacus, constans est fama, cum tamen in istius fundo sint rupes, quibus semet agglutinant diversæ massæ, aliæque portiones concinnè figuratæ substantiæ, ac pelluciditate crystallum imitantes; quarum aliquas primarius lacus possessor mihi dono obtulit, plures etiam promittens. Iam verò si supponamus aquas, vel ex fontibus aquæ petrescentis, vel pluviis, vel subterraneis vaporibus, vel alio modo, residuas in cavitate quadam etiam vesticis rupium & montium ipsorum, sufficienter imprægnari particulis petrificis: & postea progressu temporis merè aqueas particulas gradatim, per vapores solis, imbibitionem soli, vim ventorum, aut continuam actionem aëris, exhalari in modum vaporum; petrificæ particule minus volatiles, convertent solum sub se & ad latera situm, quousque sphaera activitatis earum diffunditur, in lapidem, cumque pro natura speciali petrescentium liquorum, & structura, aliisque dispositionibus soli occupati, vel duriorem, vel molliorem: in quo solo si contigerit contineri corpora heterogenea, sive ea sint substantiæ vegetabiles, ut radices, ligni frusta, gummi, &c. sive integra corpora animalium, ut ranæ, bufones, serpentes, pisces, &c. aut partium illorum, ut concharum, ossium, &c. sive denique mineralia apertæ texturæ, ut boli, immaturæ mineræ, aut aliæ gemmæ vel lapides alius generis jam formati; si inquam harum rerum vel aliarum aliqua ibi fuerit recondita, eam necesse est reperiri vel petrificatam, vel lapidi inclusam, mutato illo & indurato solo diffracto. Neque omnino necessarium est, petrescentiam illam extraneorum corporum & soli seu cubilis, esse simultaneam; nam optimè possit etiam esse successiva per vices diversorum temporum, prout quædam partes succi petrescentis fuerint copiosiores & penetrantiores, & per cõsequens imbi-

bi aptiores, quàm aliæ. Porositate enim pro diversis soli partibus diversa, aut textura & dispositione particularium corporum in terra contentorum, conciliante particulis petrescentibus operationem in quibusdam citiorem, vel diversam (modo,) quàm in aliis; Indurationem pervasarum materiæ convenit valde inæqualiter & temporis, & aliarum circumstantiarum ratione perfici. Adeoque (ut omittam plura alia, quæ ope ejus explicari queant) ex dictis intelligere datur, quomodo lapides medicinales diversissimorum colorum, consistentiarum, & operationum (quorum nonnullos adhuc habeo, obrentos ex eadem massa minerali,) generentur, & videantur integra corpora, licet differentia tanta sit, (in aliquibus scilicet, quos inveni) ut una pars lapidis medicinalis sit obscura, gravis, & opaca, altera multo serenior, pellucida, & diverso omninò tincta colore. Secundùm idem principium quoque explanari possit, quod nuper retuli de inventione adamantium inclusorum in solutis lapidibus, ipsisque rupibus: cuius rei fide digno instructi sumus testimonio: nec magis mihi ea videtur, quàm lapis, quem habeo, ex genere calculorum, continens perfectè figuratum serpentein convolutum, sine capite tamen, qui videtur formatus fuisse ante lapidem, quando in superiore & inferiore partibus solidi lapidis relicte sunt cavitates unam componentes exactè æqualis cum contento corpore quantitatis & figuræ; cui ut facile fuit materiæ lapidis, existenti adhuc molli corpori, semet accommodare: ita vix concipi queat, quomodo calculo priùs formatò, inclusum *animal*, si tale fuit, aut materia, ex qua animal putratum postea fuit formatum, non tantùm in interiora penetraret, sed & ibi reperiret cavitatem quasi præparatam, aded concinnæ figuræ, suæque quantitati accommodatam. Quod autem ista varietas successivè fuerit producta, ulterius videtur argui ex eo, quòd serpens putratius planè ex alio & nitidiore genere lapidis constet, quam materia moduli ambientis; & moduli ipsius pars illa inclusò corpori contigua, albicat & abundat nitidis granis seu planis: in quo utroque differt ab altera, eademque multò majore parte. Nunc verò nos tempus monet, ut progrediamur ad

Quintam considerationem: estque hæc, quod in ipsissimis locis, ubi nunc nihil præter lapides solutos oculis subjicitur, & forsàn cubilia lapidum ipsorum, quantum scimus, olim fuerint forsitan liquores petrescentes, iique seu stagnantes, seu currentes. Nam * alibi ostendo (in alium finem,) terræ motus, inundationes marium & amnium, subersiones regionum, proterminationes terræ in aquam, ignitas eruptiones, aliæque hujusmodi accidentia, (partim authoribus authenticis memoriæ prodita, partim nostris temporibus illata locis, quorum aliqua vidi) inter alios effectus exsicasse aut inhibuisse paludes & lacus; & inhibuisse cursum, aliòque divertisse fluenta non tantum fontium, sed & amnium; nullo relicto indicio pristinorum alveorum, copiosam oliu devehentium aquam. Ratione quatum transpositionum tantæ quantitatis ma-

G

teriz

* In Examine experimenti producti in probationem magnetismi terræ.

terit terræ, aliarumque mutationum structuræ & dispositionis soli in diversis locis, non temere suspicari liceat, lapideas matrices seu modulos, in quibus antè memorata corpora fuerant reperta, fuisse olim aliquando naturæ limosæ & terræ, & receptacula petrescentium liquorum, qui successivo temporis tractu totam massam soli in lapidem converterint, fontibus, aliisvè aquis, continentibus petrificos liquores seu spiritus, nondum penitus consumptis, vel eorum cursu nondum plenè aliò devoluto. Quanquam verò longè plura dicere haberem ad confirmationem & applicationem hujus, præcedentiumque considerationum; tamen tanto jam tempore impensò, aliis dicendis omisiss in emendationem prolixitatis, qua in enodanda hac difficultatè usus sum, duo reliqua argumenta tantum non nuda exponam.

Argumentum III. Optimè congruit cum iis quæ prius diximus (in primo argumento) de magna specifica gravitate recens memoratorum lapidum, respectu albi marmoris vel pellucidorum calculorum, quoddam possibile sit ex mineralibus illis extrahere nonnihil illius substantiæ, siue metallicæ, siue rei cognatæ, qua de ratione dixi me ea arbitrari tantæ esse gravitatis. Et sic per appropriatam *menstrua* obtinuimus, ex supra memoratis corporibus, (nec ex iis solis) solutiones seu tincturas, quæ non solum semetipsas, prodebant colore & sapore, sed & instillatæ in solutionem gallarum, aut alium convenientem liquorem, aut aliis modis commodis examinatæ inducebant tales mutationes coloris, taliave determinata *Phænomena*, quæ arguebant eas abundare particulis metallicis seu mineralibus (quas ut plurimum vitriolatæ naturæ comperi;) ita expertus sum solutionem *hamatis* quæ acrem saporem linguæ prodebat, unâ cum infusione gallarum componere mixturam atramentosam; idem etiam evenire in magnete, *synyrite*, *marcasitis*, &c. apertis per *menstrua* corrosiva. Sed solutio *lapidis Calaminaris*, aureo tincta colore, non operabatur infusione gallarum instar aliarum; attamen & sapore, & colore prodebat *menstruum* se copiose imprægnasse. Nunc quoque mentio *lapidis Calaminaris* me monet, ut inde petam exemplum rei nuper intimatæ, esse scilicet præter dissolutiones in *menstruis* appropriatis, alios quoque modos ostendendi, quoddam quidam lapides medicinales participent de metallicis & mineralibus substantiis. Nam per conflationem *lapidis Calaminaris* cum cupro & detentionem utrorumque convenienti tempore in fusione facti æris; color rubeus cupri mutatur in aureum, & absoluta gravitas (non enim loquor de specifica gravitate) plurimum augetur. Neque verò ille solus lapis mineralis, ex quo modo prorsus differente à jam memoratis, nempe per currentem Mercurium, obtinui metallicam substantiam. Et cum nativa *Cinnabaris*, & exterius & interius præscripta à præstantibus medicis, vulgo nonnisi rubeis lapis videatur; novimus tamen in Mercuriofodinis *Fori Julii*, & aliis quibusdam locis, ubi ejus est copia esse mineram mercurialem, ex qua per vehementes ignitiones distillant currentem Mercurium, quod nos aliquando per temperatas fecimus.

Verum.

Verum hic forſan non incommodum fuerit tibi referre, quod cum alii non obſolui valerent, antequam admonitionem quandam de modo examinandi lapides edidiſſem, ipſe mihi obſeci ſequentem difficultatem: Eſſe ſcilicet lapides, quibus utiles qualitates adſcribuntur, vel nihilo ponderoſiores in ſpecie gravitate requiſita ad lapidem, quã talem; vel tantillo ſaltem gravioreſ, ut nulla ratione probabile ſit, metalla, vel quædam alia ejuſmodi gravia mineralia, contribuere quicquam in illorum vel productionem, vel virtutes.

Ad quam oppoſitionem primò reſpondendum ducò, noſtram *hypotheſin* noſ nulla ratione urgere, ut negemus eſſe tales lapides. Nam licet adſcribat virtutes plurimarum gemmarum & metallicorum lapidum, metallicis, ponderoſisque mineralibus ſubſtantiis, de quibus participant, conſeſſio tamen non pugnat adverſus doctrinam noſtram, quæ (prout in quarto argumento clariù eluceſcet) generaliter loquitur, quando proſitetur, virtutes lapidum poſſe, in multis caſibus, dependere ab illorum conſiſtentia non ex pura petreſcente ſubſtantia, ſed quæ ſit imprægnata aliis mineralibus: quæ licet ut plurimum comperiantur ſpecificè graviora materia petreſcente, qua tali, nec propterea minùs, ſed in aliquibus caſibus magis activa & communicativa ſint ſuarum virtutum; tamen in diverſis lapideis concretionibus, adventitia ingredientia poſſunt eſſe ſpecificè leviora genuina materia lapidis, prout colligi poteſt ex quibuſdam locis præcedentis diſcurſus. Nam, ut hic non urgeam, diverſa corpora, quæ lapides exiſtimantur, abundare particulis ſalinis, quæ poſſint eſſe multò leviores puro lapide ejuſdem quantitatis, obſervavi alia quædam dura foſſilia abundare genere quodam *bituminis*, quod per diſtillationem reductum in oleum, multò levius eſt lapide ejuſdem quantitatis. Et memini me habuiſſe aliquot portiones illius olei, quæ ſupernatarent aquæ communi etiam: minimum verò iſtud adſcribendum videtur ſubtiliſationi *bituminis* per ignem; addam me, hydroſtaticè ponderata parte boni *aſphaltis*, comperiſſe illam ad aquam æqualis quantitatis ſe habere, ut 1. & paulò minùs: ad 1. Quæ ratio erat inter decimam partem proportionis ad aquam lapidei quidem, ſed bituminoſi foſſilis, vulgò in *Anglia* appellati Scotici Carbonis. Et quia ſulphur æquè ac *bitumen* valde aptum eſt (& revera aptius, quàm ante tentamen purarum) diſſundendis ſuis vaporibus (ſatis olidis) prævio ſaltem modico calore, vel attritione: addam, eſſe varios lapides duros abundantes *ſulphure*, (teſtibus nonnullis locis, ubi vulgare *ſulphur* ex eorum ſublimatione adipiſcuntur) & tamen ponderato ſuſto ſulphuris in aëre & aqua, comperi ejus pondus ponderis liquoris duplum eſſe cum minutiis vix dignis, quæ memorentur, unde patet illud multò levius in ſpecie eſſe cryſtallo ipſa.

Proſecutio primæ hujus reſponſionis exhibet ſecundam. Inde enim arguimus licet, non eſſe impoſſibile, primariam virtutem levis lapidis medicinalis acceptam referri cuidam mixturæ metallicæ, ſimiliſve ponderoſæ ſubſtantiæ, ſiquidem ingredientibus quibuſdam copioſè commixtis genuinæ materiæ lapideæ, exiſtentibus levioribus, non obſtantibus quibuſdam metallicis, aliisve

gravibus mineralibus particulis eidem materiz immixtis, specifica levitas unius, respectu hujus materiz, compensare potest specificam gravitatem alterius, & omnia simul componere possunt lapidem vel minus, vel æquè gravem, ac album marmor. Qua occasione recordor, non tantum comperisse me nigricantem silicem *India Orientalis*, & nigram *Anglicanam* non perfectam habere ad aquam rationem, quam 2^a. ad 1. sed & unam parrium marmoris albi, quas anrè hydrostaticè examinaveram, non obstante obscuritate coloris sui, se habere ad aquam ejusdem quantitatis, ut vix amplius 2^a. ad 1. quam rationem memineris fuisse à me inventam inter album marmor & aquam; nisi fortè dicendum, nigredinem illam coloris processisse, non tam ex crassa quadam materia biruminosa, incorporata materiz lapidis, sed ex quodam vapore minerali, qui eam pervaserit. Et hac occasione quædam hîc dicere animus est, quæ satis commodè dudum proponi potuissent.

Quare tercio loco subjungam, non videri impossibile, materiam, ex quâ lapides medicinales compositi sunt, anrequam induratur, derivare varios colores & esse imbutam virutibus per subterraneas exhalationes, aliosque vapores. Hoc vereor ne tibi mirum videatur, ideoque conabor illud succinctè confirmare mentione duorum, triumvè particularium.

Quod itaque plurima loca humilioris partis terræ emittant copiosas exhalationes in sublimiora, inque ipsum aërem, puro re concessurum, & ipse alibi probavi. Tales subterraneos vapores etiam facilè commisceri liquoribus, eodemque imbuere propriis sibi qualitatibus, pronum est inferri ex experimento commiscendi *Gas*, [uti vocant *Helmontiani*] vel vix coagulabiles fumos accensi & extincti sulphuris, vino, quod per illos diu præservatur. Ego quoque alibi dixi, quomodo fumos illos aliis liquoribus incorporaverim, in quibus ego observavi operationes eorum non leves.

Quod sub superficie terræ etiam possint esse sulphurei, aliùsvè generis vapores, qui possint copiosè commisceri aquæ, ibidemque, ut verisimile est, liquoribus lapidescentibus, etiam in alio * discursu prodidi.

Quod etiam Mercurius ex parte resolvi queat in fumos per debiliores ignes, quàm plures subterranei sunt, facile concessum fuerit à chymicis & inauratoribus estque obvium in fumigationibus adhibitis in curatione *luis Venereæ*. Et quod Mercurius in terræ visceribus ita deformari, & lapideæ materiz commisceri queat, ut toti concrecioni naturam lapideam conciliet, observare est in quodam genere nativæ cinnabaris.

Quod sal ammoniacum, cujus copia in quibusdam locis effoditur, modico igne ed reduci possit, ut ascendar in forma exhalationum, vulgò notum est, ratione factirii salis ammoniaci, ego quoque in nativo idem fieri posse expertus sum. Quod commune sal ammoniacum, sulphur, mercurius & stannum sublimari possint in substantiam auri similem, quæ participet de plurimis, nisi fortè

om.

* De Subterraneis Vaporibus.

omnibus ingredientibus, apparet ex relatione modi alibi propositi, quo ego usus sum in conficiendo *auro musico*: Quod verò etiam aurum ipsum, corpus, quod scimus, gravissimum & summè fixum, paucò additamento, moderatòque igne educi queat, ut ascendat in forma fumorum, vel etiam flammæ, sæpe expertus sum, modis alibi expositis. Et quod minerales exhalationes in terræ visceribus occurrant, testes sunt relationes plurium fide dignorum virorum, tractantium mineralia, qui semet asserunt testati rem ex propria observatione compertam; quibus ut fidem adhibeam mihi persuadent quædam alia, quæ ipsemet vidi. Hæc etiam copiosa ascensio mineralium fumorum, nec non & metallicorum, multum confirmari queat non tantum ex eo, quod chymici tradunt, sed & quod eruditus & curiosus *Ioannes Kenmannus* scribit, qui in utili Catalogo *Misvicorum* fossilium collectorum, *marcasitis* seu *pyritis* accenset quendam, dictum *pumicosum*, & ab exhalatione ardenti nigro colore tinctum, & aliam, cujus inscriptio est *coloris argentei*, qui ab exhalatione virosa colore cinereo est tinctus. Eodem porò confirmetur ex eo, quod alicubi ceu relatum in terminis offendi apud eruditum *Cabaum*, quod reperit in territorio *Modenensi*.

Hæc ut accomodemus proposito nostro, quando sunt minerales exhalationes diversissimorum generum, per diversa loca subterranea dispersæ, & quando sunt varia volatilia mineralia, ut arsenicum, auripigmentum, sandaraca, &c. quæ admodum toxica sunt; alia possunt esse dotata qualitatibus medicinalibus, & exhalationes talium mineralium sive solorum, sive commixtorum liquoribus petrescentibus, pervadentes debite dispositas terras & bolos, aliasque fluidas, molles seu apertas substantias, ante illarum indurationem, possunt ea imbueri medicinalibus, aliisque qualitatibus.

Imò, cum recordor veterum *phenomenorum*, quæ ego partim observavi, partim ex fide digno testimonio accepi, circa coalitiones, mixturas, tincturas, & quasi emanationes istarum tincturarum, in metallicis, lapideis, aliisque fossilibus concretionibus; non ausim peremptoriè negare, etiam postquam subterranea corpora obtinuerint non levem gradum duritiei, & fortassis satis eminentem, ut habeantur pro lapidibus, posse esse vapores subterraneos satis subtiles ad penetrandum, tingendum, aliòque inodo imprægnandum eadem. Quod tibi minus impossibile videatur, si consideraveris quod modo retuli ex *Kenmanno*: inprimis si hic vacaret addere, quod memini aliàs proposuisse circa renamina mea tingendi nativam crystallum diversis coloribus per fumos volatilium mineralium. Et quod valde exigua quantitas metallicæ substantiæ resolutæ in minutas particulas, sufficiat communicandæ tincturæ cum majore quantitate alterius materiæ debite dispositæ, apparet ex illis factitiis gemmis, quibus per tria, quatuorve grana peritè calcinati metalli, aut alius ejusmodi pigmenti mineralis, conciliamus colorem naturalis gemmæ, in integrum & amplius unciam vitæfactæ materiæ. Memini quoque, in subtilioribus fluidis me exemplum illud multis parasangis magis conspicuum perfecisse, tin-

gendo uno, vel minus grano præparati metalli (e. g. auri vel cupri) tantum successivè generati phlegmatis, quantum, si omne præservari potuisset, composuisset massam magnam serenè coloratæ materiæ.

Sed tua approbatione hæsitantiæ meæ in hoc ultimo paragrapho expressæ, non opus est ad præsens institutum; quare nil ex alio scripto huc traducam ad ejus demonstrationem, quin potiùs progredior ad reliqua.

Argumentum I V. Plurimum quod ob oculos ponere proposui, ad ostendendum, virtutes opacatum gemmarum & lapidum medicinalium, commodiùs, quàm virtutes gemmarum pellucidarum, adhiberi in nostra *hypothesi*, hoc est, præcipua nempe ingredientia, ex quibus plures istiusmodi opaci lapides constant fuisse perfecta corpora mineralia, antequam evasissent lapides; quorum *quedam* fuerint medicinales boli, vel similes terræ; *quædam* terræ abundantes metallicis vel mineralibus succis; *quædam* mineræ metallorum, vel mineralia cognata metallis, *quædam* tandem, corpora aliorum generum vel naturarum, & ab illis, & invicem diversa. Nam, omnia illa genera diversa fossilium possunt, supervenientibus & pervadentibus spiritibus petrificis, converti in lapides, & per consequens retinere plures virtutes, quibus fuerant imbutæ per corpuscula mineralia, quæ ista vel sub formâ liquorum, vel exhalationum imprægnaverat, donec erant adhuc terræ, vel alia corpora apertiora, seu texturæ penetrabiles.

Hocce illustrari posset modo alibi memorato, quo effeci tales mixturas ipsorum lapideorum & metallicorum ingredientium, quæ nil obstante coalitione sua erant pellucida, quanquam concesseris illud difficilius esse, quàm componere tales concretiones, quando opacæ desiderantur.

Verum hic occurrendum est objectioni, quam prævideo oppositum iri contra quatuor hoc argumentum, cui ansam præbeat quod modò dixi. Nam cum secundum doctrinam nostram videantur gemmæ tantùm esse *Magisteria*, & per consequens tales duntaxat compositiones, quas licet in visceribus terræ perficiantur, nihilominus imitari & elaborare queat humana industria & peritria; multis admodum improbabile videatur, corpora aded cognata artificialibus, dotata esse tam peculiaribus, & quedam eorum admirandis virtutibus, quæ diversis gemmis ascribuntur, & dignæ reputantur, quæ originem suam deriverent ex cæcis formis substantialibus, iisque nobilissimis.

Ad hanc objectionem regerem, me neutiquam admittere talia entia rationis, quale est forma Peripatetica, quam vereor unquam demonstrari posse. Verum ad evitandam haud necessariam controversiam, potiùs breviter respondere, compositiones dictas artificiales, posse idcirco imbui magnis virtutibus, iisque specificis; quod attestantur virtutes plurium chymicarum præparationum, etiam illarum quas præscribunt quivis Medici. Et ne videat necessitate coactus confugere ad Chymiam, à qua quidam eruditi multum abhorrent, in medium proferam duo exempla ex ipso *Galeno*; & primo loco cines gammari, quibus non obstante destructione pristini corporis per ignem,

tribuit

tribuit majores virtutes adversus venenum illud admirandum ac fatale infusum morfu canis rabidi, quam vel pisce ipsi non exusto, vel alii medicinæ à natura ipsa exhibitæ; nec despero, quin concessurus sis virtutem istius generis & gradus satis esse specificam. Alterum exemplum petiit ex theriaca, quæ licet extra controversiam sit corpus factitium, & constans ex nescio quorū ingredientibus in unum compactis, tamen ævo *Galenī*, (cui liber de ea adscribitur) & nunquam non post id temporis fuit famosissimum antidotum in his orbis regionibus, fuitque celebrata non tantum ob suas virtutes alexipharmacas, quæ solæ etiam mererentur appellari specificæ, sed & ob alias plures illi solitas adscribi, quasdam quidem ratione manifestarum, alias ratione occultarum qualitarum.

Objectione hac ratione enodata, revertamur ad nostros lapides medicinales, de quibus hoc addere ausim, quod secundum nostrum modum explicandi illorum productionem, non impossibilis solutio possit offerri difficilis hujus *phenomeni*. Quod nonnunquam lapides, extra controversiam ejusdem generis existimati (prout speciatim de * *lapide nephritico* annotarunt eruditi) tam diversis qualitatibus sunt præditi, ut in quibuldam casibus eorum quidam sint præsentia remedia, alii penitus effectu careant. Ego quoque observavi, licet raro admodum, medicinalem quandam lapidem gaudere virtutibus, quas docemur proprias esse lapidum alius generis. Nam secundum nostram hypothesein, quando lapidea materia est imprægnata illis mineralibus, ut par erat, quæ secundum ordinatum naturæ cursum pertinent ad illam *speciem*, ejus virtus talis erit, qualem esse convenit ratione generis, sed ratione gradus admodum varia erit, analoga copię, puritatis, subtilitatis, &c. mineralis imprægnantis. Si verò lapidea materia imbuta fuerit alia quadam substantia naturæ contrariæ, licet ejus quantitas fuerit tam exigua, talisque ejus color, ut non appareat in lapide alteratio sensibus obvia, & satis perceptibilis, ut æstimetur esse alius *speciei*; illa tamen ita corrumpere potest materiam, in qua coërcere seu infringere ejus operationes, ut lapidi non relinquat gradum notabilem virtutis. Et ex alia parte, si eveniat mineralia corpuscula, quæ solent cum lapidea materia cujusdam gemmæ certam virtutem communicare, fausto contractu ita uniri materiæ lapideæ gemmæ ejus generis (cujus casus exemplum supra dedi in viridibus adamantibus) licet quantitas ingredientis sit modò exigua admodum, tamen, si ejus efficacia fuerit magna, condecorare potest lapidem non levi gradu talis virtutis quæ supponitur non ad illam, sed ad aliam *speciem* pertinere.

Et hac occasione addam me nosse virum (professione studiosum) qui iudicio oculorum videtur esse complexionis summæ sanguinæ: ille diu laborabat immodico sanguinis fluxu per nares, ut non obstantibus quibuscvis remediis procurandis ex Academia Medicorum, ubi conamorbatur, aliquoties vicinus.

* Vide *Vitærum de Nephrit.*

vicinus mori esset, donec accidentis ejus fama magis sparsa, mitteretur ei per vetulam feminam hæmatites, magnitudine circiter ovi columbini, cum assertione faustorum ejus effectuum omnem ferme fidem sperantium in curando illo morbi genere, gestati juxta ægri collum. Hoc lapide enim gestato mox pristinæ restituebatur sanitati, & diu ex eo fructum percipiebat, cum ei familiaris esse capere, ita tamen, ut lapide ad tempus deposito, symptoma rediret. Cumque suspicaret imaginationem aliquid conferre ad efficaciam hujus remedii, ipse assererebat sibi certè persuasum esse contrarium; inprimis cum expertus esset, eundem ope tertii cujusdam non procul inde habitantis, cujus etiam nomen mihi referebat, coercuisse Hæmorrhagiam vicinæ feminæ, cui symptomatis violentia non permiserat ante sentire rem sibi applicatam, quàm aliquandiu sanguinis fluxus fuerat inhibitus. Non proferam hic alia exempla quamquam memoratu digna, de efficaciâ hujus lapidis, quæ accepi ex eodem, & altero illo memorato viro eruditissimo medico; quoniam satis dictum esse arbitror, & nunc tibi referam, quòd lapis ille, non obstantibus admirandis suis operationibus, mihi spectatus appareret ita differre à colore & textura expectatis, ut potius eum alius generis gemma existimarem, quam hæmatitem.

Vt confirmem particularia quædam contenta in hoc quarto nostro argumento, & ostendam varietatem & non frequentem copiam mineralium, aliarumque subterraneorum materialium, quæ possint concurrere ad compositionem corporum quæ lapides videntur, observandum venit, subtilitatem & penetrabilitatem quorundam liquorum, debite consideratam, videri evincere, quod possibile sit, talia corpora petrificari per eos & cum eis, quæ ex parte constant ex animalibus & vegetabilibus substantiis, cujus generis sunt petrificata crania, ossa & frusta ligni: Et videmus, lapidem mollem, cujus copia circa *Neapolin* invenitur, & vocari solet *lapis Lyncurins*, paululum frictum & aqua humectatum, tum expositum soli commoda anni statione, brevi tempore (ut testes oculati mihi asseruere) ferre fungos, qui edi possint, quasi ipsa feminalia principia & rudimenta vegetabilium ita præserventur in petrificata terra, ut data occasione semet exserant. Hinc non abludit: quod vir præclarus, possessor quorundam horum lapidum, mihi dixit, eos nempe subinde reperiri *vasta magnitudine*, petinde ac si integræ massæ terræ, imprægnatæ sæcundis fungorum principiis, superveniente leviusculè indurante liquore petrescente, in lapidem converterentur.

Neque verò tantum *bolis* terræ sigillatæ, & alia istiusmodi fossilia, quæ vulgè cognoscuntur esse medicinalia, imbuta duritiæ lapidum ex operatione causarum petrificantium, sed & aliz terræ petrificationi obnoxiz, tales medicinales, subtilesque particulas contineat, quas vix quisquam expectasset. Sed omisso exemplis pertinentibus ad alium tractatum, hoc solum dico, me spectatum invenisse quoddam argilletum in deserta parte terræ, in quo ad profunditatem non exiguam à superficie terræ jacebat pulvillus argillæ quæ distillata familiaribus meis reddidit sal admodum volatile & acre, ac diversum ab aliis subterraneis salibus, ut examina mea non proderent manifestas ejus qualitates sine miraculo;

ejus

ejusque possessores (viri curiosi & divites) non solum ipsi eo utebantur, sed & aliis pro medicina utendum praebebant, & summis laudibus extollebant virtutem ejus cardiacam, laxativam & diaphoreticam.

Quod sublimabilia alia, sulphura, bitumina, [corpora satis communicativa suarum virtutum] reperiantur in visceribus terrae, alibi ostendi; & tales substantias posse reperiri in corporibus, quae lapides existimantur, persuasit mihi examen chymicum, quod studio institui in ejusmodi concretionibus, praecipue in illa solida & gravi, quam vocamus *Scoticum Carbonem*, unde obtinui per distillationem, [in qua aliquantulum mirabar, aliorum curiositatem, quantum noveram, me non antevertisse] non contemnendam quantitatem olei, vel liquidi *bituminis*, nec exiguum numerum salinatum particularum, quae videbantur esse naturae infusae.

Quod particulae metallicae possint concurrere ad constituendum corpus, quod aestimetur lapis medicinalis, apparet ex nativo sulphure, quod ipsum est corpus compositum, praeter majusculam quantitatem terrae mineralis.

Proposueram non ante finem huic discursui imponere, quam tibi enarrassem quaedam tentamina, quorum alia facienda decrevi, alia feci, ad illustrationem quorundam ejus locorum, quorumque rursus alia infausum, alia non penitus infausum sortita sunt eventum. Sed cum mihi illorum minutiae non sint ad manus, neque ego ausim unicæ meae memoriae confidere in experimentis adeo subtilibus, & ita pridem factis, hic desinam tibi gravis esse, inprimis ubi tandem percipio me immemorem prius promissae brevitaris aberrasse nimium ultra ejus limites, & inopinanter abreptum per improvisam rerum connexionem in excursions, adeo ut & tua, & mea mihi opus sit venia: *Tua*, quia exercui patientiam tuam prolixitate Discursus: *Mea*, quia transgressus sum consuetudinem meam, contribuendo ad illam prolixitatem, & digrediendo in conjecturas, quibus hoc minus indulgeo, quo magis propriam praxin sequor: quamquam hæc eo facilius veniam merentur, quia tantum ut conjecturae, non ut peremptoriae assertiones, multo minus ut Physicarum Demonstrationes fuere proposita. Et si *Aristoteles* ipse, reddens rationem *phantasmata* occurrentium in superficie Terrae, non dubitavit opinari se satisfecisse, monstrando, quomodo ea possint produci; spero etiam mihi veniam non negatum ita, differenti de Naturae operationibus, quas perficit in obscuris suis & subterraneis recessibus, & de iis offerenti rationes possibiles, nisi forrè probabiles. Nihilominus tamen multo minus in Discursu meo conjecturis indulgissem, nisi vidissem eas mihi praebere occasionem proferendi plura ex Naturali Historia, quam alibi commodè proferre possem. Verùm post hæc omnia confiteor [licet tibi videatur Paradoxum] inter præcipuas causas prolixitatis horum foliorum fuisse festinationem.

§ De GEMMARVM ORIGINE & VIRTVTIB.
meam, meque experientia edoctum, hac occasione (& quibuldam alijs)
comperisse veriore[m] quàm verisimile[m] esse lepidum illum conceptum
Gallici Secretarii dicentis, se Epistolam suo scripsisse familiari prolixior[em],
quia sibi non vacasset scribere brevior[em].

FINIS.

